

MPAWO JESU WAKASIKA A KWIITA



Musalali Johane, cipati 11, kutalikila kampango ka 18, Ndi yanda kubala.

Lino Betani wakali afwaafwi ku Jerusalema, kuba anga ma falong'i ali kkumi aosamwe kulampa:

Elyo bunji bwa ba Juda bakasika kuli Marta a Maria, kuzobakkazika myoyo kumakani a munyina wabo.

Mpawo Marta, mbwa kamvwida biyo kuti Jesu uleza, wakainka kuyo mucinga: pele Maria wakacili kkedede mu ng'anda.

Mpawo Marta kati kuli Jesu, Mwami, ikuti nowa kaliko kuno, mukwesu nata kafwa.

Pele Ndi lizi, kuti akwalo eno, kufumbwa cintu nconga wa lomba. . . Leza, Leza ula kupa ncico.

Jesu kati kuli nguwe, Munyoko ula buka alimwi.

Marta kati kuli nguwe, Ndi lizi kuti uyobuka alimwi mu bubuke ku buzuba bwaku mamanino.

Jesu kati kuli nguwe, Ndime bubuke, a . . . buumi: oyo uusyoma muli ndime, nekuba kuti wakali fwide, kwalo uyopona:

Elyo kufumbwa muntu muumi a usyoma muli ndime takoyoofwa pe. Sena ula syoma obu?

Waa kati kuli nguwe, Inzya, Mwami: Nda syoma kuti nduwe Kristo, Mwana wa Leza, oyo weelede kusika mu inyika. (Elyo amubone eco!)

Mpawo cindi na kaamba obo, waa kainka mu lweendo lwakwe, a kuyoita Maria mucizi wakwe cakumbali, kwaamba, I Simalela wasika, a kwiitila nduwe.

2 Atu kombe. Taata Wakujulu, kotondezya Majwi ayo ku myoyo yesu, sunumasiku, mbuli mbo tulindila Nduwe lino. Ijwi Lyako, muzike Wako, a cibalo, koonse kwa tuulwa kuli Nduwe, mu Zina Iya Jesu Kristo. Ameni.

Inga mwa kkala.

3 Bukanze bwangu bwakuba kokuno nkusola kugwasya bantu ba Leza. Kutali kunji mbuli ku komba, a kubikka maanza aa balwazi, pele kuti bakonzye kuziba Jesu Kristo aakati kesu, Mwana wa Leza aakati kesu. Tu kanana ciyo eci sunumasiku ca: *Mpawo Jesu Wakasika A Kwiita.*

4 Lino ku ciindi eci ncotu kanana, cakali ciindi cakuusa maningi. Ikuti na mwakasola kubala kaano kamu buumi bwa Mwami wesu, tu jana kuti Wa kali Mulongwe mulemu ku

mulombe oyu, Lazaro. Wa kali... Kumane kufwa kwa Josefa, na, Wa kalizwide akusika kukkala a Marta, Maria, a Lazaro. Elyo bakali balongwe balemu. Ba kajisi... Wa kali mbuli mweembeli kuli mbabo, i—i Mulongwe wini. Elyo baka Mu bambila tuntu tuniini twakusama, bbaki lyakusama, Nda syoma, bala taminina, elyo lyakali lukidwe a wuulu koonse kakutakwe moombe. Elyo mpawo baka Mu citila zintu, nkaambo baka Mu syoma. Bakali mbabo—mbabo baka syoma a kubona eco. Bakali zwide ku cikombelo, a zintu zimwi, kuti ba Mu tobele. Elyo eco cakali cintu cipati mu buzuba, calo akwalo ku cisubulo caco nilwakaba lufu, ku—ku zwa kuli njijo.

⁵ Pele, Jesu, Mulombwana oyu wakali kuunka koonse mbuli mboba kataminina, kuyabumwaya zikombelo zyabo, a kwaamba cintu cibyaabi kujatikizya mupaizi wabo, a—a zintu zimwi, Wa ka—Wa ka cita luciso lupati kuli mbabo, mbo bakayeeya. Elyo—elyo akwalo ku Mu zumina niba ka—ka tandwa ku masinagogi. Elyo mpawo ikuti na mwatandwa ku cikombelo, bakali—bakali kuyeeya kuti tiimwa kajisi—kajisi coolwe ca lununuko. Ikuti na teemwakali kuzulilwa kuli kamwi ka tukamu twabo twabu zanduki, mbuli mu Farisi, Saduki, na cintucimwi, kwakanyina lununuko ikuti na mwakali aanze lya kaako. Elyo ikuti noba kajisi nguzu, zijaluzyo, elyo inga nobakutanda ncobeni ikuti na bakali kuyanda. Oko kwakali kwaamba kwabo beni. Ta cigambyi Jesu wakati, “Nywebo, ku kansiyansiya kanu, mwabamba Ijwi lya Leza kubula inguzu.” Mwabona?

⁶ Elyo eno caloolola, nkaambo toonse tu lizi kuteeti makani aakale ala liloolola ziindi zinjaanji. Elyo cila—cila usisya kwaamba, pele caka sinsimwa ku loolola, nkabela cacicita alimwi.

Tu jana kuti Jesu takali kuyeeyelwa kabotu.

⁷ Ziindi zinji, bantu bayanda kubeteka muntu oyo uta zuminani ambabo. Ta tweelede kucita boobo. Inga tii twa zuminana, nekubaboobo katucili mu bulongwe. Ikuti na Tii ndakonzya kwiimpana a muntu, a kuta cimuyanda a ku mukombela, a kutazuminana anguwe ku...a nguwe aa mubaakani ya Lugwalo, a komunikilwa kubotu kapatu, mpawo Nse kaambi cintu kuli nguwe. Lyoonse ndayanda kutazuminana a nguwe, camu bulongwe, nkaambo Nda muyanda, elyo Nse—Nse yandi cancobeni ku musweekelwa. Elyo weelede kucita cintu ncoonya kuli ndime; ta tuyandi kusweeka. Elyo tweelede kuyaamika miyeeyo yesu ali eco Ijwi nco lyaamba. Alilekwe Ijwi libe lya bwini. Kutali kayanza kesu na ca miyeeyo yesu, pele eco Nca amba; taakwe bupanduluzi bwamuntu, eco buyo Ijwi ncolya kaamba.

⁸ I busiku bumwi, Nda kacita cintucimwi elyo cakaboneka kutandila kusanka cintu cisetekene, Nda syoma cakali ku kalimbabula kabakambausi cifumo cimwi. Nda kabikka Jesu

ku lubeteko. Nda kati, “Mbuli buyo mbo bakacita kaindi, mbubonya bala cita sunu.” Ndiza inga caba kabotu ikuti Nda ciloolola kwakaindi buyo kaniini, ikuti na tujisi ciindi. Lino, Nda kati, sunu tu jana kuti . . .

⁹ Mu lubambululo lwa Luther, walo, mu ciindi ca ceeco, wa kati baluleme bayo pona ku lusyomo. “I muntu oyo uusyoma, walo, waka Ci tambula.” Pele tu jana kuti bunji bwabo ba kaamba kuti bakasyoma, kakuli teebaka Ci tambula.

¹⁰ Mu mazuba a—a John Wesley, ikuti na baka jana cileleko cabili, baka ciita kuti, kusalazigwa, kusalazigwa kumaninide, baka kkomana a koongolola. “Bantuboonse bakoongolola, baka Ci jana.” Pele baka jana kuti teebaka Ci tambula. Bunji bwabo bakoongolola, nkabela teebaka Ci tambula.

¹¹ I mazuba aa Pentekoste, ba kati, “Lino kuboozeyya kwa zipego kwasika, lubbizyo lwa Muuya. Oyo waambaula mu myaambo, wa Ujana.” Tu jana kuti banji ba kaambaula a myaambo, kakuli teeba Ka utambula.

¹² Aboobo ba lati, “Ee, mucelo wa Muuya, obo Mbo ubede.” Oh, peepe, kutali mucelo wa Muuya. Kristiani Sayansi ili jisi oyo, oko taakwe . . . Luyandisyo mucelo wa Muuya. Mpawo, elyo bali jisi luyandisyo lunji kwiinda muntu uuli onse, nkabela kabakaka Buleza bwa Jesu Kristo; ba Mwiita buyo kuti musinsimi, munamaleya buyo. Mwabona? Aboobo eco taciciti.

¹³ Andi buzye buyo eco kwakaindi kaniini. Andi bikke Jesu ku lubeteko. Elyo Leza andijatile ku kaambo aka, kuzwa ku cibumbili, pele Ndiyo Mu lwana kwakaindi kasyoonto, ku muleta buyo ku Mumuni. Mwabona?

¹⁴ “Lino Ndi jisi ndinywe no bantu awa sunumasiku; Ndi kanana kuli ndinywe. Ndi . . .” (Nca kaindi mu buzuba bumbi, cindi Jesu waku Nazaleta nakali aansii.) “Nda sika kuli ndinywe, a ku buzyanya a ndinywe ku lwana mulombwana oyu, Jesu waku Nazareta. Lino toonse tu lizi kuti Leza nduyandisyo. I Bbaibbele lyaamba kuti Mbwa bede. Ncibotu, nkabela luyandisyo, Muuya nkukkazikamoyo, buuya, lukakatilo, lubombo, a zimwi zimbi, elyo luyandisyo. Lino a Nda ambe, Ndi yanda kumubuzya cintucimwi. Tula inka kubweza eco—eco nco tuzi, Munakristo.

¹⁵ “Amulange ku mupaizi wanu oyu mudaala. Basyanyinakulu bakwe bapati-bapati-bapati bakali bapaizi. Wa keelela kuzyalilwa mu nzyalani eyo yaba Levi, kuba mupaizi. Tu jana kuti, eno, ta jisi buumi bwa mwaalumi mukubusyi mbuli bamwi banu mbo bakacita. Ino ucitaanzi? Ula lituula, ulilibambilide kwiya Ijwi, Ijwi lya Leza. Ula liiya, isikati a masiku, isikati a masiku, weelede kuziba tubala toonse twalyo, ibbala lyoonse mu bbuku. Uleelede kuliziba ku moyo. Walo—walo, cintucimwi buyo kujatikizya ndilyo eco nceelede kuziba.

¹⁶ “Elyo mpawo, kunze lyaceeco, cindi bauso a banyoko nibaakwatana, nguni wakaba swaanganya kuba mulumi a

mukaitu? Mupaizi wako mudaala munaleza. Nguni wakasika kuli bauso cindi nibakali mukubula nkabela bakajisi cikwelete ca mali mu mpulasi yabo, cakuti basikukweletesya mali aalooni bakali kutandila kwiitola? Nguni waka baiminina? Mupaizi wako mudaala sibuuuya. Nguni waka ima muni lya banyoko mu kaanda muya cindi nibakali kukuziyala? Mupaizi wako mudaala sibuuuya. Nguni uku boolela cindi no cisidwe a kubula? Mupaizi wako mudaala sibuuuya. Nguni waka kuleleka a kukutuula kuli Leza, a kukupalula buzuba bwa lusele? Mupaizi wako mudaala sibuuuya. Cindi bauso a banyoko nibakali kutandila kulekana, nguni waka bapilulusya, aku baswaanganya? Mupaizi wako mudaala sibuuuya. Cindi kwanooli penzi mubukkale, nguni uuli mamela? Mupaizi wako mudaala sibuuuya. Cilimasimpe.

¹⁷ “Lino oyu mupaizi mudaala sibuuuya ulizi kuteeti Bbaibbele lyakati Leza uyanda kabelele ka cituuzyo. Bunji bwanu no bantu muli basimakwebo, aboobo tamuvubi mbelele, nekuboobo Leza uyanda mbelele. Ba kayaka zimpatu kutala kuya, bakali kusambala mbelele zyabo kutegwa i—i basimakwebo inga baunka kutala a kuyuula, kutuula cituuzyo ca buntu bwabo, eco Leza ncayanda.

¹⁸ “Ino oyu mulombwana mukubusyi wakacitaanzi, uutegwa Jesu? Wa kazwida kuli? Kaamba wa kazyalwa, kuzyalwa kwa nakalindu. Ngwani wakamvwa cintu cili boobu cabufuba? Tuli bazi banyina bakali mumisi balo a Josefa kabatana zyalwa, na, balo a Josefa kabatana kwatana, wa kazyalwa. Lino tu jana kuti ngu—ngu simpuwo mbi, ku kotalika.

¹⁹ “Ino waka jisi kkadi nzi lya bumembala? Ikuti na wa kali munaleza, ino wakabeleka a nkamu nzi? Cindi mupaizi wanu nakaiya, nakaiya, nakaiya, nakaiya, kuziba Ijwi eelyo; mpaawa waboola koonse, kamwayaula eco nca kayaka. Sa inga waita eco kuti ‘Leza’? Nee ncobeni.

²⁰ “Lino, buzuba bumwi, cindi mupaizi wako nakabamba busena obo kutala kuya, i. . .elyo nko kali kukonzya kuula cituuzyo, waka citaanzi mulombwana oyu mukubusyi? Buuya? Wa kauma, wakapesa lutambo, loozu a zikutu, a kulanga ku bantu, kajisi bukali; wakatapaula matafule ayo, a kubaumina anze awo. Elyo wiita eyo kuti micelo ya Muuya, wakalanga kuli mbabo, kajisi bukali? Elyo, amulange, kunyanzya muntu ciindi cakwe ceedele ca kukomba Jehova! I simakwebo uyanda ku Mu komba; ta vubi tubelele, elyo wa kaunka kuya kuyo kaula. Elyo Wa katapaula, a ku babbompa, a kuba tandila anze.”

²¹ Nguni uujisi mucelo wa Muuya awo? Um-hum. Mwabona? Nceeco we. Mwabona, kutali mucelo wa Muuya, kutali kwaambaula mu myaambo, kutali koongolola.

²² Yebo wati, “Mpawo, Mukwesu Branham, ncenzi citondezyo? Ncenzi citondezyo?” I kusimpikizigwa kwa Ijwi lya oora.

²³ Bakali jisi Bbaibbele. Wa kali eendelene kuli eco Jehova nca kaamba kuti ciyocitika. Ta ciyandiki bupanduluzi buli boonse. Caka pandulula awo. Mpaawo kwali bapaizi banu, nzeezyo zyoonse nzo bakajisi, a zintuzyoonse zimbi zyakacitwa kapati mbuli buyo cilengwa a zintuzyoonse, pele nekubaboobo bakaalilwa kubona Ijwi. Elyo Wa kabamba Ijwi eelyo kubeleka mukasimpe ku bukkalo obo. Eco nce citondezyo ca bukkalo obo.

²⁴ Luther waka jisi citondezyo ca bukkalo bwakwe, Wesley ca bukkalo bwakwe, Pentekoste ca bukkalo bwayo, pele tuli mu bukkalo bumbi. Zintu ezyo nzibotu. Pele mbuli muvwanda, uli jisi kanwe, liso, a mpemo, pele kwaında ciindi weelede kuba muntu. Walo weelede kuba i—i mwana wakasima; mpawo azyalwe, kuba a buntu, mubili, muuya, kukonzya kweenda koonse.

²⁵ Lino tu jana kuti, koonse oku, Jesu wakatondezya, elyo bace biyo, abo biyo Mba kasalila Buumi, baka Mu bona. Kutali makamu aabantu mapati; makamu Akwe aabantu takali kukonzya kuba mbuli makamu aabantu aa Kaisara. Baa, Kaisara nakakonzya kubunganya cisi mbocizulwa. Jesu wakabunganya bace biyo. Kutali banji baka Mu zyiba. Zyuulu zya zyuulu, cindi Na kasika aa nyika, Wa keenda moonse mu nyika, elyo taakwe akwalo nobaka Mu ziba kuti wakali ano.

²⁶ Mbubonya mbo ciyooba alimwi! Uyo sika kuli baabo bakaitilwa Buumi. Uli bazi abo baitilidwe Buumi. Elyo Ta ka . . . Walo mulimo Wakwe kumamela eco.

²⁷ Lino tula bona kuti mpawo bakazwa mu cikombelo, nkabela baka Mu syoma. Zintuzyoonse Ijwi ncolya kaamba kujatikizya Nguwe, mboobo Mbwa kabede.

²⁸ Elyo buzuba bumwi Wa kasiya muunzi wabo. Ndi yanda kwaamba zintu zyoatwe: Jesu wakalizwide; lufu lwakasika; nkabela bulangizi boonse bwakali manide. Ndi yanda kwaamba aa zintu ezyo zyoatwe kwa maminiti masyoonto.

²⁹ Jesu wakalizwide. Elyo cindi Na kazwa, penzi lya kanjila. Lino cindi Na akusiya, na muunzi wako oko nkokkala, penzi lili mu lweendo lwalyo. Saatani ujisi mulyango uulibukwazi cindi Jesu azwa.

³⁰ Wa kaunka, elyo mbwa—elyo Mbwa kacita buyo, mpawo lufu lwakanjila. Elyo cindi Jesu aazwa, lufu lulanjila. Kwaandanisigwa kuli Nguwe ndufu, aboobo lufu lwakanjila cindi Jesu nakazwa.

³¹ Elyo lufu lwakamuka kuli Lazaro. Elyo mpawo Umwi oyo ngo bakasyoma a kuyanda, ba katumina kuli Nguwe kubooba kuzo kombela Lazaro, nkaambo baka Mu bona a kuziba kuti Wa kazi Leza, cakuti, “Kufumbwacintu, Leza. . .” Marta wakacitondezya mukuvwiila kaindi kuya, “Kufumbwacintu Yebo ncoamba kuli Leza eno, Leza uyo cicitu.” Waa kaziba kuti Walo a Leza bakali Bomwe. Wa kali Ijwi lya oora, aboobo

waa kaziba obo. Elyo waa kalizi, ikuti na kasola kukonzya ku Mu swaana, pele Wa kaliinkide elyo teebe konzya ku Mu jana. Elyo baka Mu tumina, alimwi, mubusena Bwakwe kusika, Wa kazumanana kuya ambele. Elyo mpawo bakatumina alubo, alimwi, mubusena Bwakwe kusika, Wa kazumanana kuya ambele.

³² Ziindizimwi tula gambwa kaambo zintu ezyo ncozicitika, pele sena Lugwalo ta lwaambi kuti, “Zintu zyoonse zila beleka kabotu ku bubotu kuli babo bayanda Leza”? Walo ulizi eco Ncali mukucita. Ikuti na Wa ccelwa, oko kuli kabotu. Walo ulizi eco Ncali mukucita. Kwakali bukanze.

³³ Tu jana kuti Wa kati, mu Musalali Johane 5:19, “Ncobeni, ncobeni, Nda mwaambila, Mwana takonzyi kucita cintu muli Lwakwe, cita eco Nca bona Taata kacita.”

³⁴ I Taata waka Mwaambila kuti azwe, a kutantamuka kwa mazuba manji. Mazuba nakamana kuzulila, mpawo Wa kaamba eco Nca kaamba kale, kuti, “Mweenzuma wesu Lazaro uloona.”

Elyo wa kati, “Ee, walo ucita kabotu.”

³⁵ Wa kati, “Uli fwide. Elyo nkambo ka ndinywe Nda botelwa kuti Nsi ndakaliko.” Nkaambo, nobaka sola ku Mu bamba kuunka kuli nguwe, ku muponya na kwaamba eco cakeelede kucitwa. Pele Wa kalizi eco cakeelede kucitwa, aboobo Wa kacita ncoonya buyo eco Nca kasalilwa kucita: kutantamuka. Ikuti na mwa Mu bona ku cuumbwe cindi Na kapiluka. Wa katondezya eco cindi Na kapiluka a kujana eci ku muunzi.

³⁶ Bulangizi boonse bwakali manide. Lazaro wakafwa. Oora lyoonse, baka zumanana kuyeeya, “Antela ulasika aa cilawo. Antela ulasika aa cilawo. Antela inga wapiluka.” Kumalekelo, wa kafwa, kuyoya kwaka musiya.

³⁷ Ba kaunka kubusena, bakamubikka misamu iilesya kubola, kugwisya bulowa ku mubili wakwe, bakamu vungaila mu milembo, tununkilizyo, a kumubikka misamu iilesya kubola a kumulazika mu cuumbwe, bakavumba mwaala ku cuumbwe, eco cakali cilengwa cabo ca kuzikka mu mazuba ayo. I bulyango munyika, buyo ndiza mu mwaala, a kubikka mwaala aatala ali ncico, eco cakali cilengwa cabo.

³⁸ Buzuba butaanzi bwakainda, buzuba bwabili bwakainda, buzuba bwatatu bwakainda, buzuba bwane bwakainda, muntu wakali kubola kale mu cuumbwe. Mpemo yakwe antela yakabobela. Kutu, Ndi yeeya kuteeti eco nce cintu citaanzi kubobela, ni mpemo. Elyo waka boleda kale. Nyama yakwe—yakwe yaka pilukide kale ku suko, lya nyika, na kupiluka. Buntu bwakwe bwakali mu lweendo lwa mazuba one ku busenabumwi, kuzwa kuli nguwe.

³⁹ Bulangizi boonse bwakusola kumubona alubo, mu buumi obu, bwakali manide. Elyo mpawo cindi bulangizi boonse nibwa

kamanide. . . Ba kalindila, “Ndiza Ula boola buzuba butaanzi, buzuba bwabili!” Peepe. Mpawo wa kafwa, elyo Ta kalinasika. Mpawo kupengana kwakatalika kuba.

⁴⁰ Kwiinde kaindi kweelede kuti kwakali muntuumwi waka mwaambila, “I Simalela ulaanze.” Ngooyo Marta wakaselemukila mu kagwagwa!

⁴¹ Jesu wakasika mu oora eelyo lya mudima cindi bulangizi boonse nibwa kamanide. Eco nce ciindi kanji Na boola. Mwabona? Ula boola aa ciindi ncoonya buyo ca mudima maningi, mpawo Jesu ulabonekela aa cilawo.

⁴² Lino amulangilile, Wa kasika a kwiitila Marta. Busyu Bwakwe bwakaleta bulangizi bupya. Takukwe makani na mulombe wakali fwide, nekubaboobo Busyu Bwakwe buleta bulangizi bupya.

⁴³ Inga kokkede awa sunumasiku, mweenzuma wangu, awo madokotela mpoba kulangabuyo ameso, ku kkulenge, penzi lyamoyo. Ndiza mu cuuno, koli mulema, sayansi yoonse yaamba kuti kwiina bulangizi kuli nduwe; kulundikwa kwa kkaushiamu kwa—kwa angatizya mafuwa ako—ako—ako, cakuti tocikonzyi kunyona limbi. Na, akwalo moyo wako—wako uli muciiimo cibyaabi loko, dokotela waamba kuti antela ulafwa ku kaindi kali koonse. Oh, elyo makamu mapati aa bantu bajisi kkulenge a TB, ndiza mbulangizi bwa mamamano mbo jisi, elyo kuboneka kuti dokotela wa kutakata. Nekubaboobo, kuba mu Busyu a kuziba kwa Busyu bwa Jesu Kristo, kuleta bulangizi alimwi.

⁴⁴ Muntuumwi inga wacaamba zina kuli nduwe. Ndiza tona cimvwide, pele lekela muntuumwi aambe kuti, “Ndi lizi oko kuli mbungano, bala syoma muli Leza a kukombela balwazi,” cakufwambaana (Lino, ufwide kale. Mwabona?), bulangizi bupya bwasonsa. Bula cita lyaonse. Mu oora eelyo lya mudima, kanji nce ciindi muntuumwi ncaamba cintucimwi kujatikizya ncico, ku kwaambila makani aa Jesu. Busyu Bwakwe bwakaleta bulangizi bupya.

⁴⁵ Akube kuti bucite cintu ncoonya sunumasiku, mbuli mbo bwakacita masiku ainda. Cindi twa bona Ijwi eelyo lyaka simpikizigwa kwiindilila kamvule kali koonse ka kuzumbauzya, eelyo lyaba mu mubili wabuntu, a kutondezya kuti Jesu *oyo* wakapona myaka iili cuulu amyaanda iili fuka yakainda, oyo wakafwa aa Kalivari, wakabuka ku buzuba bwatatu, a kulibonya kuli basikwiiya abo a kujula meso abo, a kubamba cisyomezyo eci ca buzuba, kuti cili mpoonya awa sunumasiku mu busyu bwesu eno, buleelede kuleta bulangizi ku bantu. Bulangizi bulamweka.

⁴⁶ Ndiza muntuumwi wakati, “I mbungano yabaanga yakayuminina kwakaindi. Taakwe notwa kajisi maanzi mapya mabotu ali oonse kwa—kwa—kwa myeezi misyoonto. Taakwe notwa kajisi lubukulusyo. Kuboneka kuti bantu boonse baima

loko nji, na cintucimwi cimbi. Tuunka buyo ku cikombelo a kwiimba ziimbo, a—a kumvwa milumbe misyoonto a kujoka.” Pele mpoonya buyo, mpawo, cindi twa talika kuyuminina, mpawo Jesu ulasika aa cilawo, kutu katulusya, ulaleta cintucimwi cipya kuli ndiswe. Lyoonse nkwali kucita eco. Bulangizi bupya bulasika cindi—cindi Jesu anjila. Busyu Bwakwe buleta bulangizi bupya.

⁴⁷ Waa kalizi kuti Wa kali Ijwi lya Leza eelyo lyakatondezegwa. Waa kali bwene bukkalo obo. Na, ikuti naa takakonzya, nekunga waa kacili Muzumini wabujuda. Nekunga na kacili kuzulilwa ku mbungano. Pele waa kabwene Ijwi eelyo lyaka syomezegwa. Waa kabwene Ijwi eelyo lyaka tondezegwa kwiinda kuli Nguwe nkabela waa kalizi kuti Wa kali Ijwi eelyo lipona. Elyo cindi na kamvwa makani aco, waa kanyina ndaba nabakali banji buti bakamukazya, cintu cimbi, waa kaunka kuli Nguwe canguzu buyo mbuli mbwa kakonzya kuunka. Mwabona? Waa kali Mu zyi kuti wakali Ijwi eelyo lyaka tondezegwa.

⁴⁸ Taakwe kuzumbauzya eco nca kabala ca kaano ka Eliya mu mazuba akwe. Lino, wa kali Ijwi lyaka tondezegwa ilya Leza mu buzuba obo. Wa kali musinsimi, elyo Ijwi lya Mwami lisika ku musinsimi. Elyo kwakali mwanakazi mukati omo wakajisi muvwanda muniini oyo wakapegwa kuli nguwe kwiinda ku cilongezyo eco musinsimi nca mulongezya aco, elyo waa kaba a mwana.

⁴⁹ Buzuba bumwi, kutandila ileveni okuloko, kweelede kuti wakaba a kulebuka kwakupya kwazuba. Wa kali mu muunda a bawisi, Bbaibbele talyaambi kuti kwakali, kukwaamba kuti kwakali kulebuka kwakupya kwazuba, pele wa katalika kulila kuteeti, “Mutwe wangu! Mutwe wangu!” kutandila ileveni okuloko mu buzuba. Elyo wa kajisi muzike, bawisi bakali jisi, waku mutola ku ng’anda. Wa kamulazika amabelo aa banyina mane kutandila kalangabweeseme, waka ciswaloko aku ciswaloko, elyo kumalekelo wakafwa.

⁵⁰ Elyo eno, mubusena bwakuunka mukubula bulangizi, i . . . basimukobonyina boonse bakasika kabakwiila a kuzumanana, pele mutumbu oyo wakasitikide, muvwanda wakwe wali fwide, waa kamutola aatala mu kaanda ako kaniini nka kabambila musinsimi, a kamulazika aa bulo bwakwe, mbuli obo. Elyo waa kaambila muzike, “Ndibopele kambongolo, nkabela kotanta cakugama, alimwi utaimi citakuti Nda kwaambila kucita.” Oh, ma! Nce ncico!

⁵¹ Ta tujisi ciindi cakukazyanya a kukwankana. Eci cakainda ku buzuba obo. Atu zumanane. Twe elede kusika kuya. Tu jisi kubula.

⁵² Elyo aboobo wa kati, “Yebo koya kumbele, nkabela utacesyi kweenzya kwako citakuti Nda kulailila kucita.” Elyo bakeenda mane bakasika kuli Eliya.

53 Eliya, mukuba muntu wa Leza, kutali mbuli Kristo; Kristo wakalizi zintuzoonse, nkaambo Wa kali Leza. Eliya wakali cibeela ca Leza. Oyo wakali Kristo muli Eliya. Elyo oyo wakali mulumbe wa oora, wa Ijwi lya Mwami nkambo ka oora eelyo lyakali a musinsimi oyo.

54 Jesu wakali buzule bwa basinsimi abo boonse, umwi aumwi wabo waka Mu tondezya buyo. Kwa mana. Lweendo loonse kuzwa kuli Josefa, kuzwa ku nsiliva zili makumi otatwe, masenaonse, wa—wa katondezya Kristo. A Musa mbwakacita!

55 Davida, kakkede mbuli mwaami waakakwa aa kalundu, kaomoka nkaambo waakakwa. Myaka iili myanda iili lusele kwiinde eco, Mwana wa Davida wakakkala a kalundu. Oyo wakali Muuya wa Kristo muli Davida kuya. Elyo Wa... Ma! Wa kali konse Muyanda a Cisyuukila ca Davida. Elyo aboobo Wa kakkala aa kalundu, kaomoka, mbuli Mwaami waakakwa, “Jerusalema, Jerusalema, nkanji kanji buti mbo Nda kakubungilila, mbuli nkuku ntumbu mboicitila bana bayo.” Cakali cinzi? Wa kali Kristo kaindi kuya.

56 Wa kali Kristo kalila cindi Davida nakalemba ciimbo, “Leza Wangu, nkaambonzi Wa Ndi siya? Oonse mafuwa Angu, ba Ndi dumanina. Ba yasa matende Angu a maanza Angu. Ba abana zikobela Zyangu. Ba waala cisolo nkambo ka cikobela Cangu.” Oyo wakali Kristo kaambaula muli Davida. Mbo mbubo. Wa kali kutondezegwa kwa Ijwi. Kristo wakasika kuzulizya zintu ezyo zya kaambwa a basinsimi, nkaambo Ijwi lyakali antoomwe a basinsimi.

57 Wa kaamba eco mu ciyo ca masiku ainda, kuti Wa kasika kuzozulizya eco basinsimi ncoba kaamba kujatikizya Nguwe, nkaambo baka jisi Ijwi. Elyo Eliya wa kali musinsimi wa Leza, Ijwi lya buzuba obo.

58 Aboobo mwanakazi muna Shunami wakakkala aa musinsimi oyo kusikila wa kasika a kutondezya nguzu zya Leza, alimwi wakali lazika aa muvwanda, nkabela muvwanda wakaboola ku buumi.

59 Lino Marta kweelede kuti wakaziba eci, nekubakuti waa kajisi bubi kukutauka zya mu ng’anda, kusanzya mitiba, a zintu zimwi. Pele awo waa katondezya bukanze bwakwe. Waa katondezya cancobeni eco cakali muli nguwe. Waa kaunka kuyo Mu leta mpoonya buyo. Ikuti na Leza wakali muli Eliya, Leza waka leelede kuba muli Kristo, nkaambo Wa katondezya kuti Wa kali Muntu oyo. Ameni. Nda botelwa eco, kukanza oko kutonkomene! Waa unka kuli Nguwe. Waa kacita kusika kuli Nguwe. Elyo waa kajana kuti kuya, mbuli mbwa kasika kuli Nguwe—kuli Nguwe; eno amuyeeye, kalizi kuti Ta kacinca, cakuti Leza tacinci mabambe Akwe. Ikuti na Wa kali muli Eliya a kukonzya kubusya bafu, Wa kali muli Kristo a kukonzya

kubusya bafu, nekubakuti Ta kalina cicita, nkaambo ngu Leza nguwenya.

⁶⁰ Taakwe Na cicitide pe! Mbubonya mbwali Leza sunumasiku obo Mbwa kabede lyoonse. Ngu mbobuca nguwenya, sunu, amuya myaaka. Ta cinci pe.

⁶¹ Elyo Wa kalizi kuti waa kalizi kuteeti cakali muli Nguwe. Amulange, buyo mu maminiti masyoonto caka citondezya, cindi na kaamba cintucimwi kuli Nguwe kujatikizya munyina wakwe, elyo waa kati, “Mwami, Nda—Nda syoma ndo Nduwe.”

⁶² Elyo Wa kati, “Ndime Bubuke a Buumi. Nekubakuti wakali fwide, kwalo uyo pona. Elyo kufumbwa oyo uupona a kusyoma muli Ndime ta kooyofwa. NDIME.” Oyo ngu NDIME wakali mu citeo ciyaka, a Musa. “Ndime Bubuke. Ndime Buumi. Nda kali Bulambo. Ndi cili Nguwe. Ndime Bubuke a Buumi. Oyo uusyoma muli Ndime, nekubakuti wakali fwide, kwalo uyo pona. Kufumbwa oyo uupona a kusyoma muli Ndime, ta koyoofo.” Kwiinde kaanzambwene aka kalemu nka kajisi, kakuti Wa kali Ijwi lya kasyomezegwa; cindi Na kati, mukuba Musinsimi, Ta kali kukonzya kubeja; aboobo Walo, cindi Na kati, “Ndime i NDIME. Ndime Oyo uulingu Bubuke a Buumi.”

⁶³ Waa kati, “Nda syoma kuti Yebo uli Nguwe, Mwana wa Leza weelede kusika mu inyika. Nekubakuti mukwesu ulifwive, kalede muya mu cuumbwe, walo ngu. . . mubili wakwe wabola eno; pele akwalo eno, kufumbwa Nco waamba, ciyo citika.” Yaa!

⁶⁴ Koonse nkwa kali kuyanda nku Mu mvwa kacaamba! Ameni. Oh, Marta, mpaali mpotubede sunumasiku? “Koamba buyo Ijwi; muzike wangu uyo pona!” Ko Mu mvwa buyo kacaamba! Antela baka boola kumwaambila kuti Wa caamba, pele ngooyu Wa kali Mwini. O Leza, kojula meso aofweede, kuti bakonzye kubona! Cindi Walo, mu Busyu Bwakwe, aamba Ijwi, lyoonse lilatondezegwa.

⁶⁵ Waa kati, “Kufumbwa Nco lombwa Leza, Leza uyo cipa kuli Nduwe. Andi mvwe biyo!” Waa kali ku Mu yandila kwaamba Ijwi. Nkukonse nkwakali kuyanda kumvwa. Kujana buyo Ijwi, nkukonse nkwakali kuyandisya, nku Mu mvwa kaamba kuti Uyo cicita.

⁶⁶ Elyo Na kacicita mpoonya aciindi eco, pele, nywebo mwabona, ku cilengaano eco Wisi ncaka Mu tondezya, Wa keelede kwiima muni lya cuumbwe. Oh, ma! Jatilila lusyomo lwako! Leza uli mukubeleka zintu zyoonse kuti zilulame. Ciyooaba kabotu. Kolindila buyo mane asike ku cuumbwe.

⁶⁷ Amubone, waa kakonzya ncobeni ku Mu bamba ku caamba, nekubakuti wakacili. . . Bulangizi boonse bwamana, zintuzyonse do. Wa kali fwide, kabola mu cuumbwe, pele ko Mu mvwa buyo kacaamba, nkukonse nkwakali kuyanda.

68 Lino cindi Na kati, “Ndime Bubuke a Buumi,” waa kacisyoma. Wa kacisyoma. Lino amubone, eno waa kacita kusyoma zitakonzeki, cindi naka Mu mvwa kati, “Ndime Bubuke a Buumi. Nekubakuti wakali fwide, kwalo uyo pona, alimwi kufumbwamuntu uupona a kusyoma muli Ndime ta koyoofwa.” Kati, “Sena ula syoma obu?”

69 Elyo waa kati, “Iyi, Mwami, Nda cisyoma. Nda syoma kuti Uli Mwana wa Leza wakeelede kusika mu inyika.” Nda botelwa eco. Nda botelwa eco.

70 Nda—Nda kacaamba kale eci. Inga antela caima alimwi eno. Nda kali kwaambaula ku mwanakazi kutali cindi cilamfu cakainda, yakali mbungano imwi Nje ndazwaa kwaamba kaindi kainda, eyo itasyomi kuti Wa kali Leza, Buleza Bwakwe; Wa kali musinsimi buyo, munamaleya.

71 Wa kali obo, kasimpe. Wa kali obo, kusanganya Leza. Mwabona, Wa kali luyubunuko. Jesu walo mubili, Mulombe, Muntu; Leza wakali oyo wakali kukkala muli Nguwe. Leza wakali muli Nguwe. Wa kali Leza-muntu. Wa kali Muntu, nekubaboobo Wa kali Leza wakaba mu mubili wabuntu. Cindi twa bona Jesu, tu bona Leza. Obo mbombubo Mbwa kaamba, “Ciindi mwabona Taata. . .mwabona Ndime, nywebo mwabona Taata.” Nkaambo, Wa kali lutondezyo, nkaambo Wa kali Ijwi, ameni, eelyo lyakali ku matalikilo. Ameni.

72 Wa kaita basinsimi kuti, “kaleza.” Sena mulizi obo? Wa kati, “Nywebo mubaita kuti ‘kaleza’ abo Ijwi Iya Leza nkolisika. Mbobuti mbomunga mwa Ndipa mulandu ciindi Nda amba kuti, ‘Ndili Mwana wa Leza?’”

73 Nkaambo, Ijwi ndyoonya lyakati Uyo oba ko, elyo ndeelyo Ijwi lyakaba mu mubili wabuntu alimwi. Elyo nekuba teeba kakonzya kulisyoma.

74 Mwanakazi oyu wakati kuli ndime, “Inga ndaku tondezya.” Kati, “Nda botelwa kukumvwa kokambauka, pele kuli cintu comwe nco indilizya kucita.”

“Ee, ino ncinzi?”

Kati, “Yebo udundaizya maningi aali Jesu.”

75 Nda kati, “Nda syoma nkukoonse Nkwa jisi kulwana ndime cindi Aku boola.” Elyo waa kati. . .Nda kati, “Nda syoma nkukoonse Nkwa konzya, kampenda Nka konzya kujana muli ndime.” Nda kati, “Ikuti na Nda jisi myaambo ili zyuulu zili kkumi, Inga tii ndakonzya kwaamba kunji, oh, ma, obo Mbwa bede!”

Waa kati, “Pele, yebo, yebo umubamba Kuba Leza.”

76 Kati, “Mbwa kabede. Na, ikuti na Ta kali obo, Wa kali mucengi mupati loko inyika ngoyaka jisi lyonse.”

Waa kati, “Wa kali musinsimi.”

77 Nda kati, “Wa kali Musinsimi, obo mbwini: Leza-musinsimi, buzule bwa Ijwi. I musinsimi wakaba buyo a Ijwi lyakasika kuli nguwe, eco ncencico cimubamba—cakamubamba kuba musinsimi. Pele Wa kali buzule bwa Ijwi eelyo.”

78 Elyo waa kati, “Inga ndaku tondezya.” Kati, “Yebo Umu bamba kuba Sibuleza.”

Nda kati, “Wa kali Sibuleza.”

Elyo waa kati, “Ta konzyi kuba Sibuleza.”

Nda kati, “Walo . . . Pele Mbwa kabede.”

Waa kati, “Yebo wati ulasyoma Bbaibbele.”

Nda kati, “Nda cita.”

79 Waa kati, “Ndiyo kutondezya, kwiinda ku Bbaibbele lyako lini, kuti Ta kali Sibuleza.”

80 Nda kati, “Ko cicita. Ikuti na Bbaibbele lyaamba boobo, nkokuti Ndiyo cisyoma, nkaambo Nda syoma kuti Ijwi lililuleme.”

81 Waa kati, “Mu lweendo kuzwa kunselelo kuya ku cuumbwe ca Lazaro, ula yeeya eco mu Musalali Johane 11?”

Nda kati, “Nda cita masimpe, bamaama.”

82 Kati, “Ee, eno, mu lweendo kunselelo, Wa kalila. I Bbaibbele lyakati, ‘Wa koomoka.’”

Nda kati, “Cilimasimpe, Bbaibbele lyakati Wa koomoka.”

Kati, “Mbobuti Mbwa konzya kuba Sibuleza a koomoka?”

Nda kati, “Wa kali muntunsi.”

“Muntunsi a Sibuleza?”

83 Nda kati, “Iiyi, omulindu. Ula kakilwa kubona. Wa kali i— i muntu kaunka kuya, kaomoka abaabo bakali koomoka, mbo mbubo, kapenga abaabo baka penzegwa. Wa kali muntu. Pele cindi Na nongomeka mubili Wakwe, muniini uulabutyolaule, a kwaamba, ‘Lazaro, ko buka,’ elyo muntu waka fwide kwa mazuba one, wakaima ku matende akwe. Eco cakatola kwiindilila muntu, oyo wakali Leza mu Muntu.” Nguni uukonzya kubusya bafu, cita Leza? Ngu Bubuke a Buumi! Mbo mbubo.

84 Busiku obo aa lwizi, cindi Na kali kubusena kuya, kakatede, kalede kusule lya bwaato, oko madaimona aali zyuulu zili kkumi nkwa kakonkezya kuti ayo Mu nyikizya busiku obo, elyo bwaato obo muniini bwakaindi kabuzembaana koonse mbuli mbilibili kuya mu lwizi lwaguwo lyamvula. Alo madaimona akayeeya, “Twa Mu jata lino. Walo uloona; tuyo nyikizya nkamu yoonse.” Oh, Wa kali muntu, kakatede, pele cindi comwe nakasinsimunwa, Wa kalyata a cituta Cakwe aa moombe, a kulungumana a kwaamba, “Tontola, umuna wii,” elyo myuuwo a mayuwe zyaka Mu swiilila. Oyo wakali kwiindilila ku muntu.

⁸⁵ Wa kali muntu cindi Na kafwide nzala, kaselemuka kuzwa ku cilundu, kayandaula kankwa na cintucimwi cakulya, na nkuyu kuzwa ku cisamu. Pele cindi Na kabweza mabbisiketi osanwe a nswi zyobile, a kusanina zyuulu zyosanwe, oyo wakali Leza mu Muntu oyo. Mbo mbubo.

⁸⁶ Oh, muntu oonse wakasola kusika kuciimo citakwe ankociya wakasyoma eco, basikuyabila boonse bakasyoma obo. Tacigambyi umwi wakalemba:

Kupona Wa kandiyanda; a kufwa, Wa
ndifutula;
Kuzikkwa, Wa katola zibi zyangu kulaale;
Kubuka, Wa kalulama cabuyo kwalyonse;
Buzubabumwi Ula boola, O buzuba
bwabulemu!

⁸⁷ Eddie Perronet, walo nyimbo zyakwe tiizyaka konzya kuulwa. Buzuba bumwi, kadadalika kubweendelezi bwa nguzu zya Muuya Uusalala, wakakwempa peni, wa kalemba kubamba ntalisyo ya nyimbo, cindi na kalemba:

Boonse balumbaizye nguzu zya Zina Iya Jesu!
Balekwe Baangelo bakwe cakufugama;
Kuleta musyini ujisi ngale iwabwami,
Ku Mu samika musyini Mwami wa boonse!
(Aleluya!)

⁸⁸ Cilimasimpe, obo mbombubo mbo tusyoma kuti Mbwa kabede. Iiyi, munene.

⁸⁹ Walo weelede kusyoma zitakonzeki eno, ku kuyeeya kupya kwa buzuba obo. Mbubonya mbo mweelede kusyoma zitakonzeki, kubona Buumi bupya, kubona cintucimwi cacitika. Pele ikuti Na kaziba. . . Waa ka Mu ziba kuba Ijwi, mpawo zitakonzeki inga zycitika, nkaambo Ngu Cilenga, nkabela uyoiminina zintuzyoonse Nzya kaamba.

⁹⁰ “Zintu zyoonse zila konzeka kuli baabo banga basyoma.” Eelyo ndi Ijwi Lyakwe. Pele zitakonzeki zila tondezegwa cindi Leza aasyomwa ku Ijwi Lyakwe. Iiyi, munene. Cindi Leza aasyomwa ku Ijwi Lyakwe, zitakonzeki zila—zila tondezegwa. Cindi Leza aamba kuti ciyooba, mpawo yebo wabweza Ijwi eelyo a kulangila cintu, zitakonzeki zilacitika. Nkwamasimpe ciyoocita.

⁹¹ Pele amubone, akwalo muli koonse oko, waa kati, “Akwalo eno, Mwami, kufumbwa cintu Nca lombamba Leza, Leza uyo cicita.” Waa kalizi kuti waa kali kukonzya kujana ncobeni Ijwi eelyo kuzwa kuli Nguwe. Nkukonse nkwakali kuyanda kucita, nku jana Ijwi eelyo. Iiyi, lyakali oora Iya mudima maningi, nkabela Jesu wakasika awo a kwiita. Oh, ino ncintu ncoba kabona, bubuke!

Atu lange kuli bamwi bambi oko maora aa mudima nkwakasika.

⁹² Kwakali muntu ciindi cimwi, wazina lya Jobu, umwi wa basinsimi bakaindi kapati mu Bbaibbele. Wa kali muntu mulemu. Wa kali—kali kuyanda Mwami, elyo wa kacita koonse nkwa kazi nzila yakucita. Elyo Saatani wakayandisya kumuyunga, aboobo wakati kuli Leza buzuba bumwi. . . Inzya, Leza waka mwaambila, mubwini, “Ino walikuli, Saatani?”

⁹³ Wa kati, “Oh, kuzungazunga koonse akonse kwendeenda mu nyika.”

⁹⁴ Wa kati, “Sena wasyoma muzike Wangu Jobu? Taakwe uuli mbuli nguwe mu nyika. Walo muntu uulondokede.”

⁹⁵ “Oh,” wa kati, “masimpe, Ula mupa zintuzyoonse, ulamucitila zintuzyoonse. Nkwamasimpe, walo muntu mulemu. Pele ndilekele nka mujate ciindi comwe, Ndiyo cinca ciimo. Ndiyo mubamba Ku kusinganya, kumeso Ako.”

⁹⁶ Wa kati, “To konzyi kucicita.” Ako nke kaanzambwene Kakwe mu musyomi. Nkaambonzi? Walo Mupatikampatila. Walo Mbutamani. Walo ulizi mamanino kuzwa ku matalikilo. Wa kalizi Saatani kuti natakakonzya kucicita. Nkambo, Walo ndi Ijwi, Wa kalizi eco Jobu ncakali nocita.

⁹⁷ Lino, amuyeeye, Jobu, wa kafumusya zyuute, kajaya bana bakwe, katola zintuzyoonse nzya kajisi. Nseba yakwe mbotu yaka nyongana. Abalo basikumuumbulizya bakwe bakasika, nkabela taakwe cintu ncoba konzya kucita pele kumutamizya biyo kuba sizibi wakumbali. Elyo Jobu mudaala wakanjila busena buli boobo kusikila wa kafwaba kapati.

⁹⁸ Yebo uleelede kunjila mu kufwaba, kusaanguna. Yebo weelede kusika ku ciindi oko nkoli kumamanino a lweendo.

⁹⁹ Jobu wakasika kumamanino a lweendo, cindi na kati, “Butukwe buzuba Mbo ndakazyalwa. Akube kuti zuba litaka bali akwalo, elyo akube kuti mweezi uta bali masiku, akube kuti zina litakaitwi.” Elyo mu kufwaba oko, mpawo Jesu wakasika ambali. Wa kalanga ansi, elyo wa kati, “Nda bona, mbuli muntu, ilubaluba lilafwa, elyo lilasonsa alimwi mu butololo. Ikuti na musamu wausigwa aansii, ulabuka alimwi kwiinda mu bunufwu bwa maanzi.” Wa kabona buumi boonse bwa masamu kabupona alimwi, pele wa kati, “I muntu ulaona, ula fwa, ino ulikuli?” Wa kalizi kuti wakali muntu mudaala. Wa kati, “Bana bakwe bakasika kuzo mulila, elyo taka kubona pe. Oh, kuti Wa ndisisa mu cuumbwe a kundibamba mu kampetu, mane bukali Bwako bwainda. Ndisalile ciindi a kundibikkila ciindi. Twa kaunka. . .” Elyo kuzumanana mbuli boobo, kwaambaula. Wa kali kumamanino, a kufwaba kwakwe, “Ncinzi cakali nocitika? I matu alapona, ala joka mu masamu, malubaluba alajokela ciindi cimbi, zintuzyoonse zimbi zila buka, pele muntu ulaona

a kufwa!” Wa kali mu kufwaba. Ta kazi eco cakali kukonzeka kucitika kuli nguwe, elyo walo ku kukomena oko.

¹⁰⁰ Cindi nakacita, mpawo Jesu wakasika ambali. Leza wakalanzya mutwe wakwe ku mulengalenga, elyo wa kabona Jesu kasika mu mazuba aa kumamanino.

¹⁰¹ Eelyo oora lya mudima maningi cindi mukaintu wakwe nakati, “Kotuka Leza cakuti ufwe,” nekuba wa kati, “Mwanakazi, yebo waambaula mbuli mwanakazi mufubafuba. I Mwami wakapa, nkabela Mwami wanyanzya, lilelekwe Zina lya Mwami.” Awalo mukaintu wakwe waka mufutatila. Mbungano yakwe yaka mufutatila. Bantuboonse baka mufutatila.

¹⁰² Mu oora eelyo lya mudima, awo mpatakazi nkwakali kuzwa awo, Jesu wakasika ambali. Mpawo wa koompolola, “Ndi lizi Munununi wangu ulapona, elyo ku mazuba aa kumamanino Uyo ima aa nyika. Elyo nekubakuti tuuka twa lukanda twanyonyoona mubili oyu, kwalo mu nyama yangu Ndiyo bona Leza, Oyo Ngwe yoobona lwangu.” Mu oora lyakwe lya mudima maningi, mpawo Jesu wakasika ambali. Iyi, munene.

¹⁰³ Musa, kuli Musa, oora lya mudima maningi lyaka musikila mu Israyeli. Wa kali moonya mu bulizi bwakubeleka; kaswaana Leza kutala kuya mu citeo, elyo kati, “NDIME I NDIME.” Wa kaselemuka a kulwana kwiinda mu misyobo yoonse ya basikulikozyanisya yaba Jane a Jambre, kusola kukkopela mulimo wakwe. Koonse oku, wa kaliimvwi kasimpe kuli Leza. Wa kabamba Israyeli kusyoma kumalekelo. Elyo mpaawa wa kazwa ku Egepita, kuyabuya kutala i—ku nyika ya cisyomezyo, oko Leza nkwakati, “Muyo Ndi komba aa cilundu eci.” Eelyo lyakali Ijwi lya Leza. Musa wakalizi kuti wa keelede kuunka ku cilundu eco. Amen. Leza wakaamba boobo! Taakwe Farao ukonzya kumujaya. Taakwe dyabulosi ukonzya kumujaya. Kwiina cintu cikonzya kumujaya. Walo uboola ku cilundu eco. Amen! Aleluya! Nda limvwa cabukombi. Walo uunka ku cilundu eco.

¹⁰⁴ Mubunya aswebo tuli mu lweendo lwesu kuyaku Bulemu! Kwiina cintu ciyo tulesya. Peepe, munene. Leza uyosimpikizya Ijwi Lyakwe. Ta ndikwe makani kuli eco cicitika, Uyo cicitita, nekuba. Iyi.

¹⁰⁵ Mu lweendo lwakwe, moonya mu bulizi bwakubeleka. Ngooyu mbwabede, wapatila aakati ka malundu. Ula swiilila a kumvwa kuvuuma kusule lyakwe. Ino ncenzi? Nkalaki zya Farao, ku zyuulu, kaziboola; zyantobo, a masumo a zintu, kuzyeenzya kuselemuka a kubalyataula. Ndoolo Lwizi Lusalala, lwaka musinkila. Ino wakacita nzi? Wa kanjila mu ku-. . . Wa kanjila mu kufwaba. I bantu boonse kaba kwiila, “Oh, tula cibona eno. Farao ula tujaya, mapanga akwe ayo tudyungaula. Bana besu bayofwa muno mu nkanda.”

Musa wakoopolola, “O Leza!”

106 Elyo mpawo Jesu wakasika aa cilawo. Wa kali Musumpululu wa Mulilo. Mbo mbubo. Wa kaseluka ansi elyo Wa kalengelela aakati ka nguwe a ntenda. Ameni. Walo Ngu Sikutukombezezya. Ngu Sikutwiiminina, ameni, Sikuyanzanya. Ngooyo Wa kaima, kaimvwi awo; mudima ku bana Egepita, abo bakali kusola kusika kucita cintucimwi kujatikizya ncico. Wa kali Mumuni kuli mbabo, iwa kweendela. Mpawo cifumo cindi guwo nilya katalika kuunga canguzu kapati, masiku ayo, mpawo ncinzi Nca kacita? Wa kacita kusika mu ciimo ca Musumpululu wa Mulilo.

107 Amuyeeye, Walo ucili Musumpululu oyo wa Mulilo. Iiyi, munene. Cindi Na kali aa nyika, Wa kati, “Ndi zwa kwa Leza, alimwi Ndiya kuli Leza.”

108 Elyo kwiinde lufu Lwakwe, kuzikkwa, a bubuke, a kuya kujulu; Musalali Paulo, mu lweendo lwakwe kumusanza ku Damasiko, wa kauminwa aansii ku Musumpululu oyo wa Mulilo. Amuyeeye, wa kali mu Hebrayo. Na takaamba obu. . . Wa kati, “Mwami, Ino Nduweni?” Mupati M-w-a-m-i, Elohimu. “Ino Nduweni Ngwe penzya?”

Wa kati, “Ndime Jesu.”

109 Ameni! Aleluya! Ngu Matalikilo a Mamanino. Ucili mbubonya. “I kaindi kaniini elyo inyika taici Ndi boni limbi, nekubaboobo muyo Ndi bona. Ndiyo oba a ndinywe, akwalo muli ndinywe.” I Musumpululu wa Mulilo nguwenya, Leza nguwenya kacita cintu ncoonya, a cisyomezyo ncoonya, ameni, kubamba Ijwi Lyakwe kutondezegwa. “Ndime Bubuke a Buumi. Ndime Oyo Wa kaliko, Oyo Uliko, a Oyo Uyo boola.” Iiyi, munene. Inzya.

“Matata esu akalya manna mu nkanda.”

110 Wa kati, “Boonse balo, umwi aumwi, ulifwide. Pele, NDIME UULIKO LYOONSE.” Musa. . . Mu citeo ciyaka, oyo wakali NDIME. Walo ucili NDIME, kutali Nda kaliko; NDIME, kabala kaamba ciliko, ziindi zyonse.

111 Tu jana kuti awa Musa wasyanikizigwa moonya mu kkona eli, alimwi Kristo wakasika aansii. Lino, elyo Bbaibbele lyaamba obo, kuti, “Musa wakeezezya i—i kusampaulilwa Kristo kuti mbuvubi maningi kwiinda lukono lwa Egepita.” I kusampaulilwa Kristo! Kristo wakali Bunanike, Logosi oyo wakazwa kwa Leza. I Angelo, kufumbwa sikubala wa Bbaibbele ulizi kuti Angelo wakali Kristo. Elyo ngooyo Wa kali mu nkanda, alimwi Wa kasika aa cilawo, mu ciimo ca Oyo mwa keelede kuyubunwidwa. Bulemu kuli Leza!

112 Ula boola sunu mu ciimo, Kristo nguwenya, mwa kayubunwidwa.

113 Wa kabaambila kuti Uyo bagusya. Wa kali kucicita. Ngooyo Wa kaboola kwiiminina Ijwi Lyakwe, ku Li simpikizya. Mpawo

Na kamana kusika, mbuli Mbwa kacita kuli Marta, mpawo Wa kaita. Wa kati, “Musa, nkaambonzi nco Ndi lilila? Koamba ku bantu aba, kuti muye kumbele.” Eelyo oora lya mudima, Lwizi Lusalala lwakajuka nkabela baka zubuka, mu musinzo wabo kuyozulizya Ijwi lya Leza. Iiyi, ku oora lya Musa ilya mudima maningi, mpawo Jesu wakasika ambali. Tuli jisi ciindi eno . . . Elyo Wa kaita Musa.

114 Tu yanda kuti mubone muntu uumbi muniini. Zina lyakwe wakali Jairasi. Kuli banji loko babo mu inyika sunu. Wa kali musyomi wakaziye. Wa kamuyanda Jesu. Wa kamvwa kujatikizya Nguwe. Wa ka Mu syoma. Pele, nywebo mwabona, wa kalibambide kale kuba cizo ca kabunga. Inzya. Wa—wa—wa buyo . . . Ta kakonzya kuboola antangalala a kucilungulula. Wa kacisyoma, pele taka konzya kucilungulula, aboobo wakali membala antoomwe a batasyomi. Pele wakacisyoma kasimpe.

115 Nywebo mulizi, cindi muntu anjila muciiimo eco, ciindicimwi Leza ulamuleta ku kazekelo. Mwalo mu kufwaba nceciindi notu tondezya ncobeni bupange bwesu, obo mbo tubede ncobeni.

116 Aboobo ngooyo mbwakabede, wa kali membala kale antoomwe a batasyomi, alimwi wa kacincide bukombi a kubikka zina mu bbuku, a zintu zimwi. Elyo wa kali mupaizi, alimwi aboobo ta—ta kakonzya kulyaambilila, nkaambo oko nkwakali kujana akuponena. Aboobo, pele wakacili kusyoma Jesu.

117 Buzuba bumwi, musimbi wakwe muniini wakaciswa. Oh, ma. Walo, kwiina kuzumbauzya i muntu, ikuti walo . . . mbuli obo, nakaita dokotela. Musilisi wakasika, akukutaukila muvwanda. Ntuntumaanzi yakwe yaka indila kubija a kwiindila kubija. Nikwainda kaindi wa kapyo loko, a zintuzyoonse, kumalekelo waa kasika aciimo ca lufu. Wa kali mu kufwaba. Wa kacita cintucimwi. Ta—ta kazi buyo cakucita. Lino wa kayeeya, “Ikuti na Nda konzya buyo ku Mu jana, kufumbwa Nkwa bede.” Lino taakalindila kusikila cakaba ciindi ca masiku pe, mbuli Nikodemo mbwakacita, kuba akubuzanyanya kwakaziye. Ciindi cakali camulimo, ciindi cakasika camulimo nkabela weelede kukutauka mpawo.

118 Elyo Ndi yeeya kuti, mukwesu, mucizi, ncmwi eno. I ciindi casika camulimo. I ciindi casika ku kusyoma na kutasyoma. Oyo muncali wandaanya ulasika ku mwaalumi a mwanakazi oonse. Ula sika ku muvwanda oonse. Ziindizimwi cindi waında muncali oyo, kuli cintu comwe luzutu cisyeeede, olo ndubeta, cindi waında aakati ka luse a lubeta, cindi wakosola muncali oyo.

119 Amuyeeye, wa kanjila mu kufwaba. Ta kazi cakucita. Mpaawo bakaliimvwi bapaizi bakwe, ma rabi boonse kabaimvwi kumu zunguluka. I luswaanano lwakali a nguwe, boonse kumusanza kuya, kabalangilila musimbi wakwe muniini kafwa. I dokotela kaimvwi aanze, kavungide maanza akwe,

kazungaanya maanza akwe, “Nda pa misamu yoonse Nje zyi, elyo nekuba . . .”

¹²⁰ Mwabona, wa kali Jesu kabeleka ciindi coonse. Jesu wakali kucita eci ku bukanze, kutondezya bupange bwa mulombwana oyo muniini. Nikwaainda kaindi, Inga ndamubona kaunka kubweza ngowani yakwe niini iisiya a kwiikwela kusama, wakasama bbaki lyakwe liniini lya bupaizi.

“Ino uyakuli?”

¹²¹ “Ndili . . . Nda mvwa kuti Uli kunselelo ku mulonga. Ndila Mu tobela!” Oh, ma! Ngooyo wa kaunka!

¹²² Mu oora eelyo lya kufwaba, wa kabamba muzeezo: lekela muvwanda wakwe kufwa, na wakalizi kuti kwakali kutondezegwa kwa Ijwi. Wa kali mupaizi, elyo wakali balide Ijwi, elyo wa kalizi kuti oko kwakali kutondezegwa kwa Leza. Leza wakali muli Kristo, kuyanzanisa inyika kuli Lwakwe. Wa kalizi obo, elyo waka sungilizigwa kuya ku kaambo. Wa kacita kupanga bulubizi, kulekela muvwanda wakwe kufwa, na kubamba kulyaambilila kwakwe. Cindi na kanjila mu kufwaba oko, cakali kutandila ciindi eco cakuti Jesu wakasika ambali. Wa kaunka kuyo Mu bona. Wa kati—Wa kati, “Ndiyo unka a nduwe, kufumbwa nco yooamba.” Elyo awo mu lweendo, mpaawa kwakasika sikuzuza, cintu cisiya awo. Waka bamba kulyaambilila kwakwe, kuti waka Mu syoma. Wa kacita kulitanda mwini mpawo, a kulibikka mu meso aabuleya mpawo, kuti wakali musyomi kuli Jesu.

¹²³ Elyo mpaawo kwakasika sikuzuza, kati, “Uta penzyi muntu, nkaambo musimbi wako wafwa kale. Waa kafwa jilo. Walo ulifwide kale. Uta, uta cili cengi limbi ancico.”

¹²⁴ Elyo, oh, moyo wakwe muniini wakatii wizuke. Pele wa kalanga a kubona ayo meso aa Jesu, kati, “Sa tee Nda kwaambila? Uta yoowi, ikuti na uyanda kubona bulemu bwa Leza. Ino uyoowede nzi? Nda kwaambila kale kuti Nda unka.”

¹²⁵ Wa kaambide kale kuti Uyo boola. Wa kaambide kale kuti Uyo cita eci, elyo mpaawa Uli mukucicita. Ameni. Wa kati Uyo bbunuka aa cilawo mu mazuba aa kumamanino a kucita zintu ezi mbuli Mbwa kacita, mbuli mbo twakabala masiku ainda a kubandika. Ngooyu Uli mukucicita. Neinzi neomu yoowa?

¹²⁶ Amuyeeye, cindi Na kasika, elyo Wa mwiita kuzwa ku bafu. Wa kasika aa cilawo a ku mwiita kuzwa ku bafu.

Mudaala Bartimeyu moofu, ciindi cimwi, wakauma oora lyakwe lya mudima maningi.

¹²⁷ Jesu wakali kumusanza kuya, wakabamba kalimbabula ka Bantu Basimakwebo iba Makani mabotu Aazwide kumusanza kuya mu—mu Jeriko, elyo Wa kabambide Zakayu kumusanza kuya. Wa kamuswaana mu musamu, kumusanza lya kagwagwa. Aboobo cindi Na kali . . . Ee, Na takabamba cintu cili coonse

cimbi, Ndili masimpe. Mwabona? Aboobo mpawo cindi Na kaselemuka kuya, elyo Wa—Wa kali a nguwe, Zakayu wakaunka a Nguwe.

¹²⁸ Mudaala Bertimeyu moofu wakali moofu kuzwa nakali mulombe muniini. Aboobo wakayeeya kuti Jesu inga wabonekela kuzwa ku mulyango oyo, elyo wakali kulindila. Nikwaainda kaindi wa kamvwa coongo maningi, elyo bantuboonse bakali kwiindawo.

¹²⁹ Elyo wa kamvwa mupaizi kaamba, “Yawe! Yawe, yebo, yebo uunka kutala lya kalundu! Sena—sena—sena. . . Tu mvwa kuti ulabusya bafu. Tu jisi namaumbwe mboizula iizwide mbabo kutala kuno. Ikuti na uli Mesiya, ikuti na uli Mesiya, koboola kutala kuno a kubusya bafu aba.”

¹³⁰ Nywebo mulizi, oyo dyabulosi ucipona, mwabona, mu ciimo ca bukombi, nzila njoonya. Mwabona?

¹³¹ “Ikuti na nduwe Mesiya, swebo. . . yebo ulabusya bafu; tuli jisi namaumbwe iizwide mbabo kutala kuno. Koboola.” Elyo, oh, bantuboonse kabakwiila. Umwi kaongolola, “Hosana ku Musinsimi!” Aumbi umwi kaongolola *obu, obo*, na *bumbi*. Lupyopyongano luli boobu!

¹³² Oyu muntu mudaala moofu wakayeeya, “Oh, Nda Mu sweeka. Wa kaselemuka kuya, elyo Ndali kuyeeya kuti inga Wa sika kuno. Nda bikkwa mu busena bulubide.” Elyo waka kwiila. Wa kayeeya, “Ikuti na Walo ndi Ijwi, Walo ngu Leza; Walo weelede kuba.” Aboobo, “O Jesu, Yebo Mwana wa Davida, kondi fwida luse!” Mu oora eelyo lya kufwaba, wa koompolola.

¹³³ Lino Jesu, ikuti na mwa ciziba awa, wakali ku Jeriko. Oko nko baamba kuti wali kkede, wa kali mayaadi aali mwaanda a makumi osamwe kuzwa oko Jesu nkwakabede. A zyuulu zya bantu kaba Mu pupanina, Na takakonzya kumvwa kulila oko kwa muntu. Peepe. Pele Wa kakumvwa. Wa kaima.

¹³⁴ Nda yanda kukambauka, bumwi bwa masiku aya: “Elyo mpawo Jesu wakaima.” Oh! “Elyo mpawo Jesu wakasintama.” Oh!

¹³⁵ Pele cindi Jesu nakaima, cakali cinzi? Wa kamwiita. “I Simalela wasika. Uta kataazigwi,” bakaamba basikwiya, “Ula kwiita. Uli mukukwiita.” Kamwiita kuzwa ku nkamu eyo yabantu.

Ula cita cintu ncoonya eno. Sa cilamvugwa kabotu? Mwabona?

¹³⁶ “I Simalela wasika elyo waitila nduwe.” Elyo Wa kamwiita kuzwa ku boofu kuyaku mumuni, kuzwa ku mudima kuyaku mumuni. Elyo Wa kamwiita, kuzwa ku lufu kuyaku Buumi. “I Simalela wasika nkabela Wi itila nduwe.” Elyo ciindi Na kamwiita, Wa kamupilusizya kukubona kwakwe.

137 I mwanakazi muniini wakali kuciswa kuzwa bulowa, ciindi cimwi, kutala ku kalundu, wakabelesya mali akwe oonse, ku madokotela. Walo, kwiina kuzumbauzya, baka sambalide i—i nsangano. Ba kasambalide i—i mpulasi, yakabikkidwe a cikwelete calooni. Ba kabelesya koonse nkobakali kukonzya ku basilisi, taakwe wabo wakasola kumugwasya. Waa kazumanana kuya bwiindila a kwiindila kubija. I bulowa tiibwa kaima. Cakuzumanana, bwakazumanana kweenda, waa kasakana loko a kusakana loko.

138 Elyo buzuba bumwi, kuciindi kakkede awa kasuma, kutala aa kalundu oko nkwakali kukkala, waa kalanga kunselelo mu kkuti, elyo waa kabona bwaato kabunjila. Bantu boonse bakatalika kuzuza, “Hosana ku Musinsimi!”

139 Waa kalimvwide makani aa Nguwe. Lusyomo luboola kwiinda kukumvwa. Lino waa kati, “Ndiyo selemuka aku Mu langa.”

140 Elyo cindi na keenda kuselemukila kuya, elyo waa kasaanguna kuba a kubona kwa Ijwi lya Leza lyakaba mu mubili wabuntu, kwakali cintucimwi kujatikizya mubandi Wakwe a buboneki Bwakwe, cakuti waa kaziba kuteeti wakali Nguwe. Iiyi, munene. “Oh, ikuti na Nda konzya buyo kukweelelezya kuswiilila Kwakwe munzila imwi, ikuti na Nda konzya buyo ku Mu guma mu ciyanza cimwi!” Elyo waa kasweemukila mu nkamu yabantu nkabela waa kaguma cikobela Cakwe.

141 Lino amuyeeye, teekakali kanwe kakwe Nka kamvwa pe. Peepe, munene, nkaambo zikobela zyaabana Palestine zilakwekwela. Elyo Wa . . . ba k- . . .

Petro kati, “Bantuboonse ba Ku guma.”

142 Wa kati, “Pele oku nku gumwa kwandeene. Nda mvwa kuti Nda kompama.”

143 Jesu wakasika. Mali akwe akamana do, zintuzyoonse zyakamana do; pele mu oora eelyo lya mudima cindi bulowa nibwataali kuleka, elyo madokotela teeba konzya kubulesya, Jesu wakasika. Elyo ino Wa kacitaanzi? Wa kamwiita. Kalanga konse mane Wa kamujana, nkabela Wa kati, “Yebo wajisi kuzwa bulowa, pele kwa ima.”

144 “Ngu mbobuca nguwenya, sunu, amuya myaaka.” “I Simalela wasika nkabela Wa itila nduwe. Wa boola nkabela Wa ita.” Wa kamwiita kupilukila ku nseba mbotu.

145 I mwanakazi muniini ku cikala, oyo ngo twaka kanana masiku aında, bulangizi boonse bwakali manide do. Antela, ndiza mulumi wakwe wasanu wakali mulekede, elyo waa kabweza buyo umwi wacisambomwe masiku ayo, elyo waa—waa kali kuzumbauzya kuniini kujatikizya nguwe. Mukulilemeka, waa kali manide do. Waa kali kuyanda kuba mulindu

wakasimpe; walo, kwiina kuzumbauzya, waa kali balide Bbaibbele.

¹⁴⁶ Elyo waa kali kuunka kuya, katanta kutandila ileveni okuloko. Ta kakonzya kufuma cifumo ciindi banakazi baluleme nobasika. Elyo bakali kutuka meenda abo aa mitwe yabo, a zigomo, akujoka kuselelo. Elyo aboobo takali kukonzya kusika, kusangana a mbabo. Balo, balo bakajisi lusalululo lwamicito mu buzuba obo, baluleme a babi tiiba kali kusangana. I basibwaamu bakali kukkala mu masena abo, aboobo taka konzya kuboola antoomwe abamwi babo. Teeba kamulekela kusika. Aboobo bantuboonse nibakamana kuteka meenda abo a kujoka. . . Waa kasikila bubotu.

¹⁴⁷ Elyo mpawo wakasika kuya a nongo eyi aa mutwe wakwe, kwiina kuzumbauzya waa kali kweenda ambali, kayeeya, “Lino, mwaalumi ngo Nda kwatwa, na, kajata busiku bwainda, Nda muzumbauzya. Walo mwaalumi, uli lemeka bweenzu loko. Ta—Ta ndizi buyo kujatikizya nguwe. Nse jisi ciindi ceelede. Ndili tandidwe mu bukkale bwabantu. Elyo Nse konzyi kuunka ku mabungano ayo, ta ba. . . Ko balanga buyo! Nse zyi cakucita. Ndili mufwabi. Elyo Nda kali kubala Bbaibbele; masimpe, buzubabumwi, kuti Musinsimi uyoosika aa cilawo. Lino Ndi lizi bakataminina kuti kwiina cintu ciliboobo, alimwi eci ciliboobo, ‘Ndiza myaanda ya myaka kulampa, a zyuulu zya myaka kulampa. Twa kali kumulangila kwa zyuulu zya myaka, elyo tacina citika, aboobo tatuci langili lino.’ Zintuzyoonse zili boobo, ‘Oh, peepe, tuli jisi mabungano a zintu. Ta tuyandiki cintu mbuli eco eno.’” Aboobo mpawo waa kali kuunka kuya, kayeeya.

¹⁴⁸ Nywebo mulizi, cindi wa Mu yeeya, nce cindi Na libonya kuli nduwe. Mbuli mbotwaka jisi busiku bwainda, cindi nibakali mu lweendo lwabo kuyaku Emau.

¹⁴⁹ Cindi na kali kuyeeya aa zintu ezyo, waa kamvwa Muntu kaamba, “Ko Ndi letela cakunywa.”

¹⁵⁰ Ino kujatikizya ncico? Mu maora akwe aa mudima maningi, cindi kulilemeka kwakwe nokwa kanyongene. Ndiza mulindu muniini mubotu, wakayungwa kuba mu tugwagwa kupona boobo. Ziindizimwi tabuli bubi bwa musimbi muniini, mbulubizi bwa bazyali bakwe, kumulekela kuunka kumasena mbuli ayo. Elyo ngooyo mbwakabede, ndiza masusu akwe maniini avungene oonse kalengelela; waa kasampuka, keenda ambali, kakatede, elyo taakwe muntu wakajisi cintu cakucita a nguwe, muvwanda, elyo ndiza akaano kapati kunze lyancico.

¹⁵¹ Kulikoonse, Ndi zyi cintu comwe, waa kalibalide Bbaibbele, elyo wa kasyoma Bbaibbele. Elyo kwakali mbuto niini kaikkede mu moyo wakwe, kayaamba, “Ikuti na casola kucitika, Ndiyo ciziba.” Waa kali kanzidwe kuli eco.

¹⁵² Amulange Judasi oyo mudaala kaimvwi awo a kulilemeka mbuli mbwakacita. Kwakali mudima kungsi kwini kwa moyo

wakwe. I Mumuni wakali kumweka atala mu milimo yakwe, pele kungsi kwa moyo wakwe ta Ka usyoma. Elyo ngooyo mbwakabede. . . Mwabona, Mumuni tiiwa kakonzya kusika kungsi kuli eco. Pele ngooyu mbwakabede, kusyoma, waa Ka usyoma, pele buumi bwaka jisi musinze; cindi Mumuni niwakauma, Wa kagusya kusiya. Pele cindi Mumuni niwakauma atala awa, Wa kuzimaazyaa onse. Olo ndo lwandaano.

¹⁵³ Mwabona, waa kazyalilwa bukanze obo. Waa—waa kati, cindi Na mwaambila bunji bwa balumi mba kajisi, waa. . . Ncinzi cakacitika? Waa kabaanga wabotelwa mpoonya buyo. Waa kanjila mu kufwaba. Waa kati, “Munene, Nda Ku ziba kuti uli Musinsimi. Ndi lizyi kuti cindi Mesiya aboola, Uyo cita zintu ezi.”

¹⁵⁴ Mpawo Wa kamwiita. Mpawo Wa kamwiita. “Nde Ndime, Oyo waambaula a nduwe.” Waa kaciziba kwiinda ku Ijwi lya Leza. Wa kamwiita kuzwa ku zibi zyakwe, kuyaku Buumi. Elyo zina lyakwe lili mu Bbaibbele, elyo ujisi Buumi butafwiki sunu.

¹⁵⁵ Inga wakwiita munzila njoonya, nkaambo Ngu mbobuca nguwenya, sunu, amuya myaaka. I . . .

¹⁵⁶ Inzya, kulilemeka kwakwe kwakali nyongene, pele nekubaboobo waa kalizi kuti Wa kajisi kutweluka. Waa kalizi kuti oyo wakeelede kuba Mesiya. Mpawo cindi Jesu nakati, “Nde Ndime, Nde Ndime,” waa kaziba kuti mbokwaabede.

¹⁵⁷ Ciindi cimwi basikwiiya bakali kumwi mu bwaato, bulangizi boonse bwakali manide. I maguwo aamvula, bakali kuunkile kakutakwe Jesu, elyo maguwo aamvula akali buyo—buyo mbuli mbo kwaabede ku ng’anda ya Lazaro. Bulangizi boonse bwakali manide. I bwaato bwakaindi buniini bwakazwide meenda. Elyo bakali kukwiila a kulila, alimwi ndiza kukomba a kuzumanana, a lulabo kalumweka, a bwaato bwakazula maanzi, zikunguzyo zyakaloka, ziyambo zyakatyokauka, elyo bakali kujatililana, kabalila.

¹⁵⁸ Elyo mu oora eelyo ncobeni lya mudima maningi, mpawo Jesu wakasika keenda ambali. Pele Wa kaboneka mbuli musangu kuli mbabo. Wa kaboneka kuyoosya loko, mbuli ceelo, nkabela ba koompolola a buyoofu.

¹⁵⁹ Eelyo ndi penzi sunu. Jesu ulaboola ku oora lyako lya mudima, nkabela ula Mu yoowa. Yebo tozi na Nguni.

¹⁶⁰ Teeba kazi kuti Wa kalini. Ba kati, “Oh, calo nceelo!” Bakali koongolola.

¹⁶¹ Elyo mpawo Wa kabaita, kati, “Muta yoowi, kwalo Ndime.” Mu oora lya mudima maningi, Jesu wakasika ambali, Lugwasyo lwabo. Eyo nje nzila Mbwa cita lyoonse, ulasika mu mudima maningi wa oora. Mpawo Jesu wakasika a kuliyubununa Mwini, a kusika kuli mbabo.

Petro kati, “Ikuti na Nduwe, ndilailile kuboola aa maanzi.”

Jesu kati, “Koboola.”

¹⁶² Nywebo mulizi cintu na, beenzuma? Muciindi cakufwambaana Uyo sikila abo mu mazuba aya aa kumamanino. Lino, tacili ceenzu kuti mbungano yanjila mu oora eeli lya mudima alubo?

¹⁶³ Ndiyo amba cintucimwi awa. Taili njiisyo. Ndi sinsima buyo. Nywebo mulizi na cakacitika? Ciyo boola kubusena, muciiindi cisyoonto, amulangisye ijwi lyangu, kuti tubungwe toonse tuyo yandika kuba zizo zya Nsangano ya Mabungano aabunakristo yanyika yoonse. Ikuti na tabaciti, taba konzyi kujana alugwasyo lwa Nsangano. Aboobo, kuyooba kukasya, nkabela taakwe muntu uukonzya kuunka ku mabungano aya, na kuunka ku mabungano ali oonse; citakuti mujisi caando kuzwa ku mbungano yabo eni, tokonzyi kuula na kusambala. Nywebo mwacibona mbuli mbo cakabede, aboobo ciyooba alubo, caando ca munyama. Elyo mbungano, bali mukumvwisya eco, bantu basimuuya.

¹⁶⁴ Elyo nywebo no bantu ba Pentekoste, nekuba, bali mukuciziba. Mwa talika kucimvwa. Cindi mabungano anu, bunji bwa tubunga twa Pentekoste; elyo Nse elede kwiita mazina anu, pele mulizi ndyoonya eno kuti bali—bali mukusika kuli ceeco. Baka pa bumboni kuti mbo bakabede. Elyo cindi mwacita eco, ino muyoelela kucita nzi? Muyo elela kusweekelwa kuyiisya kwanu kwa Buvangeli kwa lubbizyo lwa Muuya Uusalala. Muyo elela kusweekelwa njisyo yanu ya Bbaibbele.

¹⁶⁵ Elyo mamembala taba kaciiminini. Beni Banakristo bakazyalululwa bayoofwa, kusaanguna. Ba kacenjezegwa ku Ijwi. Balizi cintu eci kuti cilasika. Iiyi, munene.

¹⁶⁶ Elyo sa tacili ceenzu? Elyo moonya mu oora eli lya mudima maningi, mpawo Jesu wakasika ambali a ku twiita, kati, “Muta yoowi. Kwalo Ndime. Ndi cili a nywebo. Ndili wano kutondezya Ijwi Lyangu.” Mbuli Mbwa kabede kaindi, mbubonya Mbwa bedede eno. Wa kati Uyo cita obo. Oh, ma! I Simalela wasika nkabela waitila ndiswe.

¹⁶⁷ Bantu banji bacisidwe kuno, kwiina kuzumbauzya, kuti bali kkede kuno, nkabela dokotela waka mwaambila kuti taakwe—taakwe bulangizi kuli ndinywe. Nywebo inga kamuli mu mudima maningi wa oora, pele, amuyeeye, Simalela wasika akwiitila ndinywe.

¹⁶⁸ Elyo buzuba bumwi, buzuba bumwi, Simalela uyasika akwiitila mazina oonse ayo aalembedwe mu Bbuku lya Buumi ilya Mwanaambelele. Ikuti na taliko muya, koli bikka muya lino, nkaambo Uyo sika a kwiita. Abalo abo bali mu cuumbwe bayomvwa Jwi Lyakwe akubukila Buumi. I Simalela uyo sika a kwiitila ndinywe. Elyo kuciindi Na ita sunu, koingula a kulibambila nkambo ka Buzuba obo, nku kulwaizya kwangu kuli ndinywe.

169 I cisyomezyo ca bukkalo obu, Wa kasyomezya kuti Uyo oba kuno. I zintu Nzya kacita, Uyo zicita alubo, elyo eno alubo Simalela wasika a kwiitila ndinywe.

170 Atu kotamike mitwe yesu. Ndi jisi mapeegi ambi aali cisambomwe awa, pele Nse—Nse konzyi kusika oko eno. Atu kotamike mitwe yesu. Nda syomezya kumukotola kufwambaana, elyo ngu kkota kale yainda.

171 Taata Wakujulu, O Mwami, kocilekela cicitike alubo. Zintu ezi zyoonse nze Nda amba, “Jesu wasika a kwiitila ndinywe.” Ino Uci taanzi cindi Na sika? Ula ita. Elyo kocilekela kucitika alubo, Mwami. Kolekela Muuya Wako Uusalala kusika aakati ka bantu sunumasiku, Mwami Jesu mu ciimo ca—ca Muuya. Ko Mu lekela asike sunumasiku a kuliyubununa Mwini, elyo mpawo kulitondezya Mwini. Mbuli bantu abo, nzila mbo bakasyoma, tuyo syoma, aswebo, Mwami. Kuli banji kuno, ndiza, abo batana kuba a coolwe eci. Twa komba kuti Uyo cipa kuli mbabo alubo sunumasiku. Nkambo twa cilomba ku bulemu bwa Leza, mu Zina lya Jesu. Ameni.

172 Mbo mbubo, mucizi, pele kozumanana buyo a ceeco. Kuli kabotu. Kozumanana ncobeni. Oh, amubatame kwini, no bantu boonse.

173 Sena mula syoma kuti Wa sika? Wa cita. Sa Walo uciita cindi A sika? Lino naa muyo syoma buyo ncobeni. Ikuti na muyo syoma buyo Ijwi lya Leza, Leza uyo cipa.

174 Lino amulange, Nse jisi ciindi cakwiitila mundando wa mipailo atala awa. Ndiyo baita sunumasiku, kubusena kuya, ikuti na Mwami wayanda. I Simalela wasika. Wa sika kuzulizya Ijwi Lyakwe mu buzuba bwa mamanino. Elyo obo Mbwa kabede kaindi, Mbwa bedede sunu. Kwalo kutondezegwa a kulizibya Kwakwe mbo kwakabede kaindi, mbo kubede sunu, nkaambo Ucili Ijwi lya Leza. Sena mula syoma obo? [Mbunga yaamba, “Ameni.”—Mul.] Elyo Ijwi lya Leza ngu Sikutwela wa miyeeyo, makanze aa moyo. Elyo nzila Mbwa kacita kaindi, nje nzila Mbwa cita lyoonse. Walo ucili mbubonya. Ikuti na Wa cita eco ndyoonya lino, sa inga mwa Mu syoma? Sa inga camubamba ku Mu syoma?

175 Nywebo no bantu kumasena kuya lino, andi lange kusaanguna a kubona ikuti na kuli muntu uuli oonse Ngwe zyi, uukkede ali oonse muno, Ngwe zyi.

176 Boonse abo baliko, atala *awa*, abo bata ndizi, amunyamune mujulu maanza anu; mulizi kuti kwiina cintu Nce zyi kujatikizya ndinywe, elyo muli cisidwe, amunyamune mujulu maanza anu. Nda yeeyela, bantuboonse. Ncibotu, lino, nywebo amusyome. Nywebo amusyome buyo a moyo wanu oonse. Muta zumbauzyi. Amube a lusyomo. Amusyome Leza.

177 Ndiyo mulomba kuti mubatame loko, a kukkala. Muta pangi kunyongana kwacoongo koonse, kaka mutaciti. Mwabona?

Mwabona? Yebo uli i—i buntu, mubili, a muuya. Elyo muuya wako. . . Elyo Muuya Uusalala ulabunyonganye loko.

¹⁷⁸ Bali bongaye bayeeya, myaka minji yakainda, kuti Muuya Uusalala, cindi ni Nda kakonzya kwiindilila kuno a kumwaambila? Cindi ni Nda kabweza bantu ku janza, Wa ka ndaambila kuti kutweluka oku kuyoosika, elyo mpawo kuzumanana? Nywebo mula ciyeeya, ciyeeya eco na? Pele Wa kati, “Ikuti na wakonzya kubamba bantu ku kusyoma.” Amuyeeye mazuba alo, myaka minji yakainda? [Mbunga yaamba, “Ameni.”—Mul.] Nywebo mweelede kusyoma.

¹⁷⁹ Nda bona mwaalumi, Nda syoma kwakali kumusanza awa ku muswaangano umbi, uukkede mpoonya awo. Elyo Muuya Uusalala. . . Nda kali kumu langilila cindi ni Nda kali kukambauka. Wa kali mwaalumi mulema. Wa kajisi zyakweenza munkwa lya maboko akwe. Elyo cindi ni Nda katalika buyo kubamba lwiito, Saatani wakasika ku mwaalumi, cimvule cisiya. Elyo Nda kacilangilila a meso angu eni. Wa kaima akweenda kuzwa. Uyo oba mulema lyoonse, mwabona. Elyo aboobo, walo, oko nkwa keelede kuponesegwa nkoonya kuya ikuti na ka buyo—buyo. . . Mwabona? Pele, buyo, Nse zyi kaambo. Ndi yeeyela kuti wa kaswiilila buyo kuli sinkondo. Pele ikuti waima a kulangilila zimvule ezyo, kubona zintu ezyo mu ziimo, nzila mbo zibede, a ku zilangilila mbo zicita. Mwabona, inga caba. . .

¹⁸⁰ Lino, Nse konzyi kuponya. I muntu umwaambila kuti inga wamuponya, uli lubide. Mwa kaponesegwa kale. Pele, nkuziba Busyu bwa Jesu Kristo. Lino ikuti Marta nakalizi obo naa kakonzya ku Mu bona alimwi, cakuti nakajana kuyandisya kwakwe, nkaambo Wa kali Ijwi lyaka tondezegwa, sa tatukonzyi kusyoma kuciimo eco sunumasiku, ku cisyoma? Masimpe, tweelede kucita. Wa sika. Wa sika, Wa sika muciiimo ca Muuya Uusalala. Oyu ngo Nguwe Mbwabede. Lino amukombe buyo.

¹⁸¹ Mwabona, atala awa, ikuti ni Ndali jisi muntuumwi wiimvwi awa, mpoonya awa mumsi lyangu, ulimukukomba buyo—buyo; nywebo mwabona, bantu banji loko kabakomba, mu buyake boonse. Nywebo mweelede kucilangilila. Yebo tokonzyi kwaamba, “Yawe, Mukwesu Branham. . .” Peepe, munene. Nse—Nse konzyi kucicita, mbubonya buyo mbo takonzyi kundilotela ciloto. Mwabona? Yebo inga walota. Yebo, Leza inga wakubamba ku ndilotela ciloto, ula syoma obo, pele tokonzyi kucicita lwako. Yebo tokonzyi kwaamba, kuti, “Mukwesu Branham, Ndiyo kulotela ciloto cako lino.” Peepe, tokonzyi kucita obo. Ambebo Nse konzyi kubona cilengaano. Kufumbwa oyo ukupa ciloto, ngo nguwe weelede kucicita. I nzila njoonya mbocibede ku cilengaano.

¹⁸² Nda bona mwaalumi uukkede awa ku mamanino aa muncali, uujisi coondamazwi. Ikuti na uyo syoma a moyo wakwe oonse,

Leza uyo kuponya ku coondamazwi. Sena ula syoma kuti Uyo cicita, munene? Uukkede kubusena kuya, mwaalumi muna Mexico, uukkede ku mamanino aa muncali, sena uyo cisyoma? Ncibotu, munene.

¹⁸³ I mulindu uukkede kutobela nduwe, awalo uujisi coondamazwi, alakwe. Sena ula syoma kuti Leza uyo kuponya, mulindu? (Sa *eci* cijisi kumvwika kujokoloka kuli ncico? Nda yoowa bantu taba cimvwi.) Uyo cita? Ncibotu.

¹⁸⁴ Ino kujatikizya mulindu uumbi muniini muna Mexico uukkede muni lyakwe? Walo uciswa penzi lya mwida. Sena ula syoma kuti Leza uyo ponya ida lyako, mulindu?

¹⁸⁵ Waa kutambula. Cindi ni Nda bona Mumuni oyo kauselemuka, eco caamba kuti cacitika. Inzya. Nce ncico. Wa muuma. Ngooyo We, kausunguluka konse ncobeni. . . [Kabeela katakwecintu aa teepu—Mul.] . . . wa cicita. Mwabona? Cindi Na konzya kujana lusyomo! Mwabona, “Zintu zinji Nzya takakonzya kucita nkaambo ka kutasyoma kwabo.”

¹⁸⁶ Ngooyu mulindu uukkede awa kakomba, mpoonya awa. Uli yoowede. We elede kuba. Walo uujisi cilwazi cakkulenge, cibyaabi loko. Nse kuzi, pele Leza uli kuzi. Sena ula syoma kuti Leza inga wandaambila makani a kkulenge eli, na cintucimwi cimbi? Ko ndilanga. Kuli bantu banji loko kuya bali mukukomba, nywebo mwabona, eco nce Ndili mukucaambila. Ko tulanga. Lino, iyyi, tozwi kokuno pe, oyu tauli muunzi wako. Yebo uzwa kubusena butegwa Porterville, California. Mbo mbubo. Sena ula syoma kuti Leza inga wandaambila kuti nduweni? Walo ulizi. Zina lyako ngu Muka. Wintham. Mbo mbubo. Lino kosyoma, nkabela kkulenge liyo kuleka. “Ikuti na mwakonzya kusyoma.” Nkukoonse Leza nkwapulomba kucita. “Ikuti na mwakonzya kusyoma.”

¹⁸⁷ Sena tosyomi eco a moyo wako oonse? Muntuumwi mu cibaka eci mukati *awa*, sa tokonzyi kusyoma? I Simalela wasika a kwiitila ndinywe. Walo umwiita kuzwa ku lufu kuyaku Buumi, kuzwaku malwazi kuyaku nsebambotu.

¹⁸⁸ Ngooyu mwaalumi uukkede nkoonya kusule awa, mutwe uukoteme, kakomba. Walo tali mukulikombela kwini, ukombela kujatikizya muntuumwi umbi. Walo i—i musimbi. Walo mwana wakwe musimbi. Sena ula syoma, munene? Yebo uujisi penzi ku mau lu ako. Yebo uujisi penzi ku mazwi ako. Mbo mbubo. Takuyandiki kulila, oyo Nguwe awo muni lyako. Mwana wako musimbi uli mu cibbadela, embo na? Bulwazi bwa kakweekwe. Ula syoma. Ula syoma? I Simalela wasika a kwiitila nguwe. Sa ula syoma, mbuli wisi wakwe? Ula cita? Akube kuti Amu swaye sunumasiku, a nduwe. Akube kuti kamane.

¹⁸⁹ Ngooyu mulombe muniini, mulombe wabusyu buniini busalaluka. Walo uciswa bulwazi bwa lukanda, a kufundilila, mulombe muniini muna Mexico, mulombe muna Mexico

uukkede awo. Ta zwi kokuno pe. Walo uzwa ku San Jose. Sena ula syoma, daala? Cintu cimbi, bauso bali kokuno antoomwe a nduwe. Balo mbakambausi. Mbo mbubo. Sena ula syoma kuti Leza inga wandaambila zina lyako mbolibede? Sa inga cakubamba kusyoma canguzu loko? Zina lyako nduwe Reuben. Lino kosyoma. Um-hum. Leza ula kuponya.

¹⁹⁰ I Simalela wasika nkabela Wa itila nduwe. Oh, sizibi, oh, muntu uucisidwe, sena tobona Simalela watondezegwa mu bantunsi, aakati ka basyomi? Wa sika kwiita bana Bakwe basyoma kuyaku nsebambotu. Wa sika kwiita sizibi kuyaku lweempo. Sikuwa, simbungano, Simalela wasika a kwiitila nduwe.

¹⁹¹ Sena ula cisyoma? Sena ula cisyoma nkambo ka kubula kwako ndyoonya lino? Ikuti na ulacita, nyamuna janza lyako mujulu, kwaamba, “Nda syoma ku kubula kwangu.” Mpawo koima ku matende ako lino a kucitambula. I Simalela wasika a kwiitila nduwe. Elyo kufumbwa na nduweni, kufumbwacintu ncobulide, Simalela wasika nkabela Wa itila nduwe. Ngu mbobuca nguwenya, sunu, amuya myaaka.

¹⁹² Ulya mwanakazi muniini wakaunka mu muunzi, a kwaamba, “Amuboole, muzobone Muntu Oyo wa ndaambila eco cacalubide.” To kainka mu muunzi. Wa boola a kucibona, lwako, aboobo Simalela wasika kwiitila nduwe.

¹⁹³ Amunyamune maanza anu mujulu a ku Mu lumbaizya, a kwaamba, “Mwami Jesu, Ndime sizibi; kondi jatila. Ndime sikuwa; ndi josye, Mwami. Ndi yanda Muuya Uusalala; kondi zuzya. Ndili cisidwe; kondi ponya. Ndili mulema; ndiba mbulule.” I Simalela wasika a kwiitila nduwe. Amunyamune maanza anu lino aku Mu lumbaizya. Ameni.

¹⁹⁴ (Kotupa bulile busyoonto awa, “Ndiyo Mu lumbaizya, Ndiyo Mu lumbaizya.” Nywebo mulizi na? *Ndiyo Mu Lumbaizya*. Nywebo mulizi eyo, embo na?)

Sena mula syoma?

Ndiyo Mu lumbaizya, Ndiyo Mu lumbaizya,
Oh, amulumbaizye Kabelele wakajailwa
basizibi;
Amu Mu pe bulemu, nywebo nyoonse no bantu,
Nkambo Bulowa Bwakwe kwasanzya twiimba
toonse.

¹⁹⁵ Mula Mu yanda na? Lino sa tamubotelwi ku Mwi imbila kuciindi Nali ano? Walo Muuya uweenda koonse kwiinda mu buyake. Walo ulizi myoyo yanu, ulizi koonse kwa ndinywe. Atu yiimbile Nguwe, a koonse kwa moyo wesu.

Ndiyo Mu lumbaizya, (amunyamune maanza
anu mujulu cindi mwa cicita), Ndiyo...

(lino amu Mu lumbaizye buyo) . . . amu Mu lumbaizye,
 Oh, amulumbaizye Kabelele wakajailwa basizibi;
 Oh, amu Mu pe bulemu, nywebo nyoonse no bantu,
 Nkambo Bulowa Bwakwe bwasanzya twiimba toonse.

¹⁹⁶ Oh, mulindu, yebo mu wilucheya, ikuti na uyo syoma buyo kwiindilizya aniini ndyoonya eno. “Ndiyo . . .” Atu yisole alubo. Ndi lindila cintucimwi.

Ndiyo Mu lumbaizya, Ndiyo Mu lumbaizya,
 Oh, amulumbaizye Kabelele wakajailwa basizibi;
 Amu Mu pe bulemu, nywebo nyoonse no bantu,
 Nkambo Bulowa Bwakwe bwasanzya twiimba toonse.

¹⁹⁷ Lino kuciindi no twiimba eyo alubo, ko cenguluka, kojata janza lya muntuumwi, kuciindi no tuyiimba, amwiimbe, “Ndiyo Mu lumbaizya.” Katuya, toonse antoomwe lino.

Ndiyo Mu lumbaizya, Ndiyo Mu lumbaizya,
 Amulumbaizye Kabelele wakajailwa basizibi;
 Amu Mu pe bulemu, nywebo nyoonse no bantu,
 Nkambo Bulowa Bwakwe bwasanzya twiimba toonse.

¹⁹⁸ Oh, sizibi mweenzuma, sa tokoenda kumbele awa lino? Amuboole aku Mu lumbaizya, nywebo nyoonse no bantu. Nyoonse no bantu abo bayanda ku Mu zumina mbuli Mufutuli. Mu Busyu Bwakwe, kuciindi basalali noba mukomba mu Muuya, sa toko boola awa a kwiima? Kwaamba, “Ndi yanda kupabumboni, sunumasiku. Ndi yanda ku Mu lumbaizya. Ndi yanda kuboola. Nse fwinsoni nkambo ka Nguwe. Ndi yanda kuti inyika izibe kuteeti Nda Mu tambula mbuli Mufutuli wangu, ndyoonya lino kuciindi Na liko.” Koboole kuciindi no tuyiimba.

Ndiyo Mu lumbaizya, (sa toko sika?) Ndiyo Mu lumbaizya,
 Oh, amulumbaizye Kabelele wakajailwa basizibi;
 Oh, amu Mu pe bulemu, nywebo nyoonse no bantu,
 Nkambo Bulowa Bwakwe bwasanzya twiimba toonse.

¹⁹⁹ Oh, nce ncico, mulindu, kosika ncobeni. Nguni umbi utiboole, mu Busyu bwa Kristo? Kosika mpoonya awa, mucizi, koima awa.

²⁰⁰ Muntu umwi oyo Umu yanda kuba Mufutuli wako, ndyoonya lino, oyo utafwidensoni. Wa kati, “Ikuti na mwa Ndi fwidansoni

kumbele lya bantu, Ndiyo mu fwidansoni kumbele lya Taata Wangu a Baangelo basalala.” Ikuti na to fwinsoni nkaambo ka Nguwe lino, nkabela Umu yanda kuba Mufutuli wako, kuciindi Nali ano! Wa Mu bona. Uli londokede loko, Ijwi Mwini ku Li yubununa. Kosika kumbele kuciindi basalali nobakomba lino. To kosika kumbele na?

²⁰¹ Leza aku longezye, munene. Ngooyu wasika mulindu mucembele, uusika kukukomena loko. Toko boola eno na?

Ndiyo . . . (amu yimbe lino) . . . Ndiyo lumbaizya . . .

²⁰² Mbo mbubo, nobantu bakubusyi, kamuboola kuzunguluka nkoonya. Amulumbaizye buyo. Leza aku longezye, mulindu, eyo nje nzila yakucicita. Leza amu longezye, bantu bakubusyi.

. . . wakajailwa basizibi;
Amu Mu pe bulemu, nywebo nyoonse no bantu,
Nkambo Bulowa Bwakwe bwasanzya twiimba toonse.

²⁰³ Kuciindi bakambausi nobaunka ku bantu aba lino sa muntuumbi ta kosika? Sikuwa, walombwa usike, kwaamba, “Nda usansoni ku buumi bwangu”? Ngooyu Mba bede. Ula ndisyoma kuba muzike wa Leza? Kotambika maanza ako. Nkaambonzi, Jesu Kristo uli aakati kesu. Toko sika na?

Amu Mu pe bulemu . . . (Tamu kosika, amu Mu pe bulemu?) . . . bantu,
Nkambo Bulowa Bwakwe bwasanzya . . .

²⁰⁴ Marta, sa ula sika, na uyo kkala mu ng’anda a Maria? Uyo piluka kukkala mu kabunga kamwi, a kwaamba, “Oh, mbungano yangu tai Ci syomi nzila eyi,” kakuli Kristo wa tondezegwa? Sa uyo kkala kusule a kwaamba obo, na sa uyo zwa? “Ee, Ndiyo kwaambila, cindi Nda . . .” Peepe. Sunu, nde oora eli. Lufu lula lengelela kukuzunguluka, mbuli mwanamusimbi wa Jairasi.

²⁰⁵ Kosika lino! Sikuwa, kosika lino. Sizibi, kosika lino. Eci nce ciindi. I Simalela wasika nkabela Wa itila nduwe. Ula kwiita. Yebo wati, “Mbobuti mbwe Nta zibe?” Walo ubelesya jwi lyangu. Ikuti na Ube lesya jwi lyangu kukwaambila bulwazi, kupenzegwa a zintu, sena tozi kuti Uli mukwiitila cibi akwalo? Kozwa! Kosika lino, eci ndiza nce ciindi camamanino ncoya kusola kuba aco.

²⁰⁶ Alimwi, kuli banji muno beelede kusika, beenzuma. Nse yanda ku kuusyansoni, kukwiita mbuli obu. Eco tacili kabotu. Ikuti na yebo ziindizimwi ndiza . . . Balo ba Farisi bakali kuyeeya kuti ba kafutulwa, pele tii bakafutulwa. Yebo uyeeya cintu ncoonya. Kosika lino.

²⁰⁷ Koba masimpe! Uta, uta undumuki buyo kuciimo cimwi kuli ncico. Ikuti na kuli kuzumbauzya kuniini mu mizeezo yako, uta


uta undumuki buyo. Kosika lino. Lino nce ciindi, lino kuciindi Kasensa noka jukide, kuciindi Muuya Uusalala nouli ano. I Simalela wasika. Oko kuzumbauzya kuniini, nko nkuko Nkwali mukusola kukwaambila, “Uli mukuzumbauzya.” Ko kuleka. Kosika, lino. I Simalela wasika a kwiitila nduwe. Mbo mbubo, amuzumanane kusika, amuzumanane ncobeni kusika.

Ndiyo Mu lumbaizya, Ndiyo Mu lumbaizya,
(Tamu koosika na kuti imu Mu pe
kulumbaizya?)

Amulumbaizye Kabelele wakajailwa basizibi;
Amu Mu pe bulemu, nywebo nyoonse no bantu,
Nkambo Bulowa Bwakwe bwasanzya twiimba
toonse.

²⁰⁸ Lino kuciindi basizibi nobasika, ku Mu taminina; bantu aba Mu lumbaizye, mbuli mbo tuyiimba lino. Atala a maanza anu, amwiimbe ku Mu lumbaizya, lino, nyoonse antoomwe.

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi!

²⁰⁹ Amu Mu lumbaizye buyo! No bantu boonse awa, amukombe, amu Mu lombe kuti amujatile. Eco ncencico Nca yocita. I Simalela wasika a kwiitila ndinywe. Leza amu longezye. 

MPAWO JESU WAKASIKA A KWIITA TNG64-0213

(Then Jesus Came And Called)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mangolezya muli Bwane, Mulumi 13, 1964, ku Elliott Auditorium mu Tulare, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org